




廿一史彈詞註卷之五

成都楊慎用修編著

漢陽張三異禹木增定



男仲璜別麓註 孫坦熊男祥校

第五段 說南北史 清平樂

閒行閒坐不必爭人我百歲光陰彈指過成得甚麼功
果 昨日羯鼓催花今朝疎柳啼鴉王謝堂前燕子不
知飛入誰家 詩曰

燕子來時春雪消幾家留得舊窩巢風流王謝無蹤
跡剩水殘山似六朝

彈詞註卷五

剩水殘山古今達時人物此登臨詩陰杜牧孤鴻
向淚落雍門一操琴老去深藏經濟手病來灰却戰
爭心殘篇話到興亡處閒悶閒愁海樣深

詠月陰風詩罷講談今道古話重論花草草春如
舊古古今事不倫昨日紅顏今日老前人事業後

人評水絃橫寫官商調話本敷宣錦繡文不用新詞
誇粉黛全將典故說豪英話傳史記中間事論采儒

官筆下文躍馬橫鎗誇猛將鋪謀定策羨文人文添
秀士經綸志武助英雄戰鬪心寶劍重磨光射斗金

鐘再撞響穿雲知音君子休心困再聽新文接舊文
詞分兩項事有別端昨來說到三國鼎分話兼兩晉今

日整理六朝人物直至隋文東晉末 按此當作隋文纂
周末東晉二字疑

劉宋者劉裕篡了司馬氏是為宋高祖永初三年在傳

廢主營陽王景平一年在 文帝元嘉三十年在

孝武帝孝建一年大明在位十一年 前廢主子業景初一年在

明帝泰始泰豫在位六年 後廢主昱元徽五年在

順帝昇平三年在 凡八主六十年蕭道成篡之

蕭齊者蕭道成是為齊太祖建元四年在傳

武帝永明一年在 鬱林王隆昌六月在

海陵王延興六月在 明帝建武五年永泰

東昏侯永光二年在 和帝中興一年在 凡七主共

二十四年蕭衍篡之

彈詞註卷五

蕭梁者蕭衍是為梁武帝天監普通大同中大中大

十八年 在位四年 傳

簡文帝大寶二年在 元帝承聖三年在

敬帝紹泰三年在 凡四主共五十六年陳霸先篡之

陳陳者陳霸先是為陳武帝永定三年在傳之

文帝天嘉天康在位七年 臨海王光大二年在

宣帝大建十四年在 後主至德禎明在位七年 凡五主

共三十三年

蕭譽者借兵西魏殺叔元帝稱帝江陵名後梁大定七年在位七

年傳

蕭天保二十四年在位

琮廣運二年在 凡三主共三

十三年被隋廢國除

宋齊梁陳謂之南朝皆在金陵建都那時元魏拓拔氏自稱皇帝謂之北朝同天共日後高齊宇文周接連在北按元魏之初三國曹瑱景元二年有匈奴索頭沙漠汗入貢至晉武帝咸寧九年復來入貢衛瓘表奏留在并州後世子孫拓拔珪稱帝建號魏國是為五胡後北朝之始

北朝魏太祖者姓拓拔名珪號稱道武皇帝天興稱帝

年十二傳之

明元永興神瑞泰在位十一年太武始光神鷹延和太平貞君

十八年在位二文成興安興光天安在位十四年

彈詞註卷五

獻文天安皇興孝文延興承明太和在位二十九年

宣武帝景明正始永平延昌在位十六年

孝明熙平神龜正光在位十三年孝子武泰子釗

孝莊永安敬帝建明在

節閔普泰在 中興王中興在

孝武永熙在 靜帝天平元象在位十七年興

文帝大統武定廢帝在位二年

恭帝在位四年凡一十七主共一百六十年

孝武時丞相高歡奉靜帝遷居鄴都是為東魏丞相宇文泰奉文帝遷都長安是為西魏傳廢帝恭帝後來高歡之子高洋奪了東魏是為北齊宇文泰之子宇文覺

奪了西魏是為後周

北齊者始高洋篡東魏僭號文宣帝天寶位十年在傳

廢帝乾明位一年在

孝昭皇建位一年在

武成太寧在位四年河清

後主天統承光在位十二年武平隆化

五主共二十八年為周武帝所滅

後周者始宇文覺篡西魏僭號孝閔帝在位一年傳之

明帝武成在位四年在

武帝保定天和建德在位十七年

滅了高齊再傳

宣帝宣政在位二年在

靜帝大象在位二年凡五主共

二十六年被靜帝外公楊堅篡奪外甥之位滅了周朝

南併陳後主天下方纔一統南北兩朝共計一百七十

彈詞註卷五

四

三年中間五胡亂華有五涼四燕三秦二趙一夏一蜀

共十六國迭興迭滅於晉魏之間未及細論且將南史

北史流傳世代興亡治亂因繇略加品題以奉知音

東晉主北朝強江南寡弱

義熙年桓元反國勢伶仃

桓元反於晉安帝元興元年至二年元廢安帝而自立三年元誅帝復位始改元義熙國運斷而復續者

又十

劉寄奴起義兵祛除逆黨

劉裕彭城人勇健有大志嘗伐荻新洲見大蛇長數丈射之聞杵臼聲見青衣童子數人於榛中擣藥問

故曰我王為劉寄奴所射合散傅之裕曰王神何不殺之曰劉寄奴王者不死叱之皆散起義祛逆註見

第四卷晉安帝亂荒荒向下一劉裕小字寄奴

生擒著數天子北戰南征

裕始滅楚帝桓元繼擒南燕主慕容超南泉盧循西
珍蜀王譙縱北降秦主姚泓後子業入太廟指高祖
像曰渠大英雄
生擒數天子

專廢立總百官志方曹操

裕廢安帝立恭帝自封宋公總百揆崔浩謂
魏主曰劉裕之平禍亂司馬德宗之曹操也

老奸雄無對手二十餘春

裕奮起寒微不階尺土所向無前裕自討
孫恩為參軍至即位凡用兵二十一年

敦孝道謹威儀清心寡欲

裕事蕭太后素謹及即位春秋已高每旦入朝未嘗
失時刻又嚴整有法度清簡寡欲財帛皆在外府內
無私藏

簡嬉遊甘衣素不置妃嬪

彈詞註卷五

五

裕遊宴甚稀被服居處儉於布素嬪御至少嘗
得後秦高祖從女有寵謝晦微諫即時遣出

禁奢侈却禎祥身兼八行

寧州有獻琥珀枕者裕以琥珀可治金瘡碎之以賜
將士嶺南獻入筒細布一端入丈裕惡其精麗勞人
還之並制嶺南禁作此布內外奉禁慕效為奢靡性
不信奇怪微時多符瑞及貴史官審以所聞拒而不
答胡致堂曰宋高祖孝於後母為其盛德而嚴正有
度清簡寡欲被服布衣遊宴稀嬪御少不蓄私藏及
戒母后不得預政此人者皆人君之要行也宜其
徒步提劍終取符璽也哉 嶺南謂五嶺之南

占龍牀一二載稱了平生

裕篡晉即位是為
宋高祖三年而殂

所可恨儘不肖兩番弒主

裕先使王韶之以散衣繼晉安帝於東堂後又
使褚淡之以被掩殺晉廢主零陵王於秣陵

不仁心天鑒察自有支分

胡致堂曰劉裕屢行弒逆取國如此而欲子孫永享是以天為茫昧也朱氏曰宋高帝弒二君以竊大位亦猶晉魏之故智也至以欣然遜位之恭帝不使如山陽陳留之令終忍為禪代者作俑亦不仁甚矣故八主五十九年竟至族滅良有以也

臨顧命戒當朝無煩母后

高祖疾甚召徐羨之傅亮謝晦檀道濟同被顧命曰後世若有幼主朝事一委宰相母后不煩臨朝謝晦字宣明

營陽王親長子寸善無聞

高祖親長子義符即位後被廢為營陽王在位一年修池築觀朝成暮毀好為無道營陽宋郡名今永府州

廢喪禮拒忠言褻狎左右

王居喪無禮拒諫不聽好與左右狎戲鞭朴無辜以為笑樂

彈詞註卷五

徐羨之行廢弒文帝稱尊

司空徐羨之以義符不德欲廢之乃召檀道濟及江州刺史王弘入朝以謀告之謝晦聚將士於府內使中書舍人邢安泰潘盛為內應時義符出於華林園為列肆親自沽賣與左右即龍舟而寢道濟引兵入雲龍門安泰等先誡宿衛母禦軍士進扶義符出收璽綬稱皇太后令數義符過惡廢為營陽遷於吳使安泰就弒之義符多力突走出闔門追者以門關閉而弒之傅亮帥行臺百官迎宜都王義隆於江陵入承大統是為太祖文帝即位後下詔暴羨之亮稱罪命大領軍到彥之征北將軍檀道濟以時收剪羨之走至新林自經死亮出走被執伏誅謝晦時出為荊州刺史帝自將討晦誅之華林園在江寧府上元縣治東北五里臺城內吳今蘇州宜都縣名屬荊州府

宋文帝享長年康寧治理

文帝名義隆高祖第五子帝仁厚恭儉勤於為政守法而不峻容物而不弛三十年間四境之內晏安無事戶口蕃息講誦相聞士敦操尚鄉恥輕薄江左風俗於斯為美後之言政治者元嘉稱最

挑強敵勤遠略白面書生

文帝欲經略中原羣臣爭獻策以迎合取寵彭城太守王元謨尤好進言文帝謂侍臣曰觀元謨所陳令人有封狼居胥意乃大舉伐魏校尉沈慶之曰我步彼騎其勢不敵今元謨等未喻兩將六軍不過往時恐重辱王師帝使徐湛之等難之慶之曰陛下欲伐國而與白面書生輩謀事何由濟帝不聽狼居胥匈奴中山名漢武帝時霍去病出右北平二千餘里絕大漠封狼居胥禪於姑衍而還

羊禦狼空歎息縱橫胡馬

王元謨等伐魏魏兵號百萬元謨懼退走魏主引兵南下進次瓜步聲言欲渡江建康震懼文帝登石城有憂色歎息曰檀道濟若在豈使胡馬至此初參軍周胡疏言今人知不以羊禦狼宜矣漢武帝輪臺卒與肥皂悍胡相逐其不能狼宜矣漢武帝輪臺之詔曰匈奴常言漢雖大然不耐飢渴失一狼走千羊蓋匈奴以狼自喻以羊喻漢也

聽讒言殺道濟自壞長城

彈詞註卷五

七

初司空檀道濟立功前朝威名甚重左右心腹並經百戰諸子又有才氣朝廷疑畏之文帝久疾未愈領軍將軍劉湛說司徒義康以為宮車一日晏駕道濟不可復制義康請召道濟入朝既至留累月會文帝疾動義康下詔稱道濟因朕寢疾規肆禍心收付廷尉并其子植等十一人誅之道濟見收憤怒目光如炬脫憤投地曰乃壞汝萬里長城魏人聞之喜曰道濟死吳子輩不足復憚

輕戰伐禍生靈燕巢林木

魏人攻宋南兗徐兗豫青冀六州皆破之殺掠不可勝計丁壯者即加斬截嬰兒貫於槊上盤舞以為戲所過郡縣赤地無餘春燕歸巢於林木邑里蕭條文帝謂江湛曰北伐之計同議者少今士民勞怨予之過也南兗宋州名今揚州府豫州名即今開封府陳州徐今江南徐州

兇兒報因巫蠱手刃其親

吳興巫嚴道育自言能使鬼物因東陽公主婢王鸚鵡出入主家主與太子邵及潘淑妃所生始興王濬俱信惑之邵濬多過失數為帝所詰責遂與道育鸚鵡及主奴陳天與黃門陳慶國共為巫蠱琢玉為

文帝僂埋於含章殿前鸚鵡先與天與通恐事泄白
邵密殺之慶國懼曰巫蠱事惟我與天與宣傳往來
今天與死我危矣乃白帝即收鸚鵡並搜得邵瘡所
埋玉人道育亡命不獲邵濬懼謝帝意徐廢之更立
太子南平王縹妃江湛之妹隨王誕妃徐湛之之女
湛欲立縹湛之勸立誕議久不決帝與湛之屏人語
或連日累夕既而以其謀告潘淑妃妃以告濬濬馳
報邵邵乃謀為逆詐為詔云有所討次日宮門未開
邵以朱衣加戎服上乘畫輪車而入舊制東宮隊不
得入城邵以偽詔示門衛門衛受敕有所收討馳入齋
閣拔刃徑上合殿文帝其夜與湛之語且旦燭猶未
滅見邵入舉几捍之五指皆落遂被絨湛之亦被殺
吳興今湖州府含章殿在江寧府上元縣治東北
五里臺城內即壽陽公主日臥簷下梅花點額處
宋武更造正光玉燭紫宸退朝口號香飄合殿春風轉南
紫宸殿北杜甫紫宸退朝口號香飄合殿春風轉南
平今安鄉縣屬岳州
府隨州名屬德安府

宋孝武誅逆邵新亭即位

武帝名駿文帝第三子初為江州刺史邵行弑遽即
位下詔曰徐湛之江湛弑逆無狀吾勒兵入殿已無

彈詞註卷五

所及今罪人斯得可大赦改元太初密與沈慶之手
書令弑駿慶之以書示駿因謀舉兵討邵以慶之領
府司馬柳元景為叅佐元景潛至新亭依山為壘邵
使蕭斌等統兵來攻元景開壘鼓噪乘之邵眾大潰
駿遂即位於新亭是為孝武帝斌自石頭來邵斬之
遂克臺城邵入武庫井中隊城南高禽執之斬邵及四
子於牙下新亭在江寧城東北五里本吳俊苑城即
渚臺城在江寧上元縣治東北五里本吳俊苑城即
晉建康宮城也

義宣反竟陵反內醜難聞

孝武淫南郡王義宣諸女義宣恨怒江州刺史臧質
等遂與義宣定謀舉兵反孝武以王元謨討之義宣
至潯陽以質為前鋒水陸俱下元謨督諸軍大戰薛
安都帥突騎衝陣陷之質等大敗垣護之燒江中舟
艦延及西岸營壘殆盡諸軍乘勢攻之義宣兵潰質
逃於南湖追斬之義宣走江陵荆州刺史朱武畏忌
斬之初誅邵平義宣竟陵王誕皆有大功孝武畏忌
之不欲誅居中以為南兖州刺史徒鎮廣陵誕遂於
廣陵反詔沈慶之討之誕閉門自守奉表投城外數
孝武罪惡曰陛下宮闈之醜豈可三緘孝武大怒慮

誕奔魏使慶之斷其走路進攻廣陵克之誕走追斬之南湖在武昌縣東竟陵今景陵縣屬安陸府

恣侮慢老僮狎遊拒諫

帝好狎侮羣臣自太宰義恭以下無不穢辱常呼光祿大夫王元謨為老僮僕射劉秀之為老僮其餘長短肥瘦俱有稱焉又每畋遊無度嘗夜出還敕開門侍中謝莊居守以黎信或虛須墨敕乃開帝怒曰卿欲效鄧君章耶侍中沈懷文數以直諫忤旨嘗出射雉風雨驟至懷文曰風雨如此非聖躬所宜冒帝注弩作色曰卿欲效顏竣耶出為廣陵太守尋賜死吳人謂中州人為僮慳恪也 僮音根

笑高皇田舍翁葛布燈籠

壞高祖所居陰室於其處起玉燭殿與羣臣觀之牀頭有土障壁上掛葛燈籠麻繩拂侍中袁顛因盛稱高祖儉素之德帝曰田舍翁得此已為過矣

貪酒色肆淫刑繁興土木

帝沉湎於酒每燕集在坐者必令沉醉荒淫於色閨門無禮不擇親疎尊卑皆亂之流聞民間寵一崑崙

彈詞註卷五

九

奴嘗令以杖擊羣臣濫刑無罪殺東揚州刺史顏竣殺廬陵內史周朗又殺廣陵太守沈懷文懷文三子行哭請命卒殺之自晉北渡江以來宮室草創至是大修宮室土木被錦繡賞賜傾府藏起玉燭殿築上林苑苑在江寧府東北十五里一名芳林苑

世相承刀斲戮不顧人倫

帝自即位以來殺南平王縹武昌王渾而義宣竟陵及海陵王休茂之反骨目狼籍及傳子業剪芟宗姓心如狼虎再傳明帝勦滅同氣相承屠戮發明曰孝武不道淫亂繼行其諸子靡一子遺蓋天醜其行云爾人倫註見

昏醉了十一年傳之子業

孝武終日酣飲嘗憑几昏睡至是殂於玉燭殿在位十一年傳太子子業是為廢帝

踵遺踪狂且暴穢德閨門

子業幼而狂暴及即位傲狠暴虐初武帝多猜忌大臣重臣屏息及祖太宰江夏王義恭等相賀曰今日

得免權死矣至是子業誅戴法與殺義恭及柳元景等公卿以下皆被捶拽如奴隸矣穢德閨門註見

姑新蔡姊山陰人倫道盡

寧朝將軍何邁尚文帝第十女新蔡公主子業納公主於後宮詠言主薨殺宮婢送邁第殯葬以公妾為貴嬪改姓謝氏子業姊山陰公主淫恣謂帝曰妾與陛下俱託體先帝陛下後宮數百女惟駙馬一人事不均平帝乃為立面首左右三十人子業召諸妃主列於前強左右使辱之南平王鐸妃江氏不從鞭妃一百而殺其三子蔡興宗謂沈慶之曰主上所行人倫道盡改德改行無可復望面首左右謂選面之美者髮之美者為左右也新蔡縣名今屬汝寧府山陰縣名今屬紹興府新蔡公主名英媚山陰公主名楚玉

戲列祖芟宗姓悖虐人禽

子業令太廟別畫祖考之像入廟指高祖像曰渠大英雄生擒數天子指太祖像曰渠亦不惡但未末年不

彈詞卷五

十

免兒斫去頭指世祖像曰渠大鬚鼻如何不鬚立召畫工冷艷之又殺江夏王義恭新安王子鸞南海王子師南平王敬猷廬陵王敬先安南侯敬淵又畏忌諸父恐其在外為患皆拘於殿內毆捶陵曳無復人理湘東王或體肥謂之猪王禕建安王休仁為殺王槽盛食嘗裸或縛其手足擔付大官曰今日屠猪太后王氏病篤使呼子業子業曰病人間多鬼那可往子業悖太后辱諸父戲列祖悖虐不道四心盡亡悖虐又註見下句南海今廣東廣州府湘東今衡州府隸湖廣建安今福建建寧府山陽古地名今為淮安府晉安今泉州大官職名鬚字從臚音查鼻上炮也孝武后王憲嫄

真天子出湘中贖不及熟

初子業狂暴欲有所為戴法與輒抑制之所幸闈人華願兒怨法與裁其賜與言於子業曰道路皆言法詛言湘中出天子子業將南巡荆湘以厭之欲先誅湘東王彧乃發後子業遊華林園竹林堂使宮人裸相逐一人不從命斬之夜夢女子罵曰悖虐不道明

年不及熟矣
贗音雁偽物也

因射鬼竹林堂刀下亡身

時三王久幽湘東王彧主衣阮佃夫及子業左右壽寂之王敬則等陰謀弑之適子業以前夢女子於宮中求得一人似所夢者斬之又夢所殺者罵曰我已訴上帝矣於是巫覡言竹林堂有鬼子業出華林園休仁休祐並從子業與羣巫綵女射鬼於竹林堂寂之等抽刀前弑之

明帝或甫即位子勛爭立

子業既弑休仁等就秘書省見彧宣太后令命湘東王纂承大統或遂即位是為明帝文帝第十一子也初子業以太祖世祖在弟兄數俱第三晉安王子勛亦第三心惡之使朱景雲送藥賜子勛死子勛遂與長史鄧琬等舉兵江州及聞明帝繼統等詿稱受太后璽書帥將佐上尊號子勛遂稱帝傳檄建康雍郢荊州會稽郡皆舉兵應之

討江州誅鄧琬遠害休仁

彈詞註卷五

十一

帝遣建安王休仁討江州以沈攸之將兵擊潯陽軍破之遂進攻江州初子業使荊州錄送長史張悅至滸口鄧琬稱子勛命釋其桎梏迎為司馬至是琬憂懼無措向悅問計欲斬子勛封府庫以謝罪悅遂斬琬詣休仁降攸之斬子勛傳首建康諸州皆平休仁既成大功任總百揆親寄甚隆由是朝野輻轉明帝不悅後召休仁入宿尚書省遣人齎藥賜死滸口山亦名盆水

忍秉心假文談嫌人觸諱

帝頗好文義舊臣才學之士多見拔擢然猜疑畏忌言語文字有禍敗凶喪疑似之語失迴避者犯即誅戮

剪宗枝殺同氣傳祚螟蛉

帝因子勛爭立討殺之遂並殺武帝第六子潯陽王子房第七子臨海王子頊年皆十一第九子永嘉王子仁第十一子始安王子真年皆十歲第十三子邵陵王子元年九歲第十六子淮南王子孟年八歲第

二十一子東平王子嗣年四歲子趨子期子越方在
繼祿未封安陸王子綏已出繼盡殺之明帝於武帝
為親昆弟至是使武帝二十八子靡有子遺又殺兄
廬江王禧弟晉王休祐建安王休仁巴陵王休若
及卒傳祚於子昱昱宮人陳氏之子初以陳氏賜嬖
人李道兒已復迎還生昱裴子野曰太宗保宇螟蛉
勦拉同氣宋德告終非天廢也螟蛉詩小宛篇蟲
蛉有子裸羸負之桑上青蟲也裸羸土蜂也取其子
負之入空木中祝之曰類我類我七日而化為其子
臨海縣名屬台州府邵陵今湖廣寶慶府松滋縣名
屬荊州府廬江縣名屬廬州府晉平今福建福州府
巴陵今湖廣岳州府 陳氏名妙登裸音果羸音羅
又上聲

元徽主李將軍興心醜母

昱即位改元元徽自以李道兒之子每微行自稱李
將軍昱失德皇太后每加勗譬太后賜昱玉柄毛扇
昱嫌毛羽不華欲加醜害左右曰若行此
事官便作孝子乃止 明帝后王貞風

張刀鋸布鋌矛路絕行人

彈詞註卷五

三

昱驕恣日甚無日不出從者並執鋌矛逢無免者民
間擾懼行人殆絕鋌椎鑿鋸不離左右喜以鋌椎
人陰破一日不殺則慘然不樂單騎遠郊獨宿深野
手揮矛鋌躬行剗斷執儒士孫超功臣杜幼文沈勃
杜叔文皆手自鬻割飛鋌鼓劍裂孩穉肝腸投散江
流以為懼笑 鋌矛鐵把短矛也 鋌音蟬斬音捉
也新

蕭領軍腹射棚君臣懷忌

蕭道成為中領軍昱忌其威名欲殺之常直入領軍
府道成晝卧裸袒昱令起立畫腹為的引滿將射之
道成斂板曰老臣無罪乃更以髀箭射中其臍投弓
大笑由是道成畏忌密與袁粲褚淵謀廢立 髀箭
骨鏃箭不能傷 髀音泊

跳臺岡偷狗喫授首於人

蕭道成與褚淵謀廢昱命越郡校尉王敬則陰結昱
左右楊玉夫楊萬年陳奉伯等使伺機便至是昱乘
露車與左右於臺岡賭跳晚至新安寺偷狗喫飲酒
醉還 夫萬年刎其首奉伯袖之出與敬則馳詣領

軍府道成戎服乘馬入宮以太后令迎立安成王準
越郡未詳疑今紹興臺岡或謂即臺城也安成今
河南信陽州

宋順帝走丹陽齊公受禪

順帝名準明帝第三子初明帝密取諸王姬有孕者
入宮生男則殺其母而使寵姬育之準乃桂陽王休
範子在位三年禪位於齊公蕭道成貶為汝陰王徙
之丹陽置兵守衛汝陰今鳳陽府潁州丹陽即古
建康東晉元帝都此置丹陽郡宋齊梁陳因之隋平
陳廢郡即今江寧府順帝係昭華陳法容撫育

可憐哉石頭城袁粲捐生

中書監袁粲與尚書令劉秉謀誅道成將帥黃回卜
伯興皆與通謀時領軍將軍劉韞入直門下省伯興
為直閣回等出屯新亭粲謝矯太后令使韞伯興帥
宿衛兵攻道成於朝堂回等帥所領為應秉等並赴
石頭本期夜發秉捕後即束裝盡室犇石頭粲曰何
事遽來今敗矣道成聞之使王敬則殺韞及伯興又
遣戴僧靜蘇烈等攻粲秉踰城走粲謂其子最曰本
知一木不能止大厦之崩但以名義至此僧靜踰城

彈詞註卷五

三

獨進最以身衛粲粲謂最曰我不失忠臣汝不失孝
子遂父子俱死百姓謠曰可憐石頭城寧為袁粲死
不作褚淵生秉父子亦為道者所殺

願勿生帝王家相承報應

下金街彈指哭改換家門

道成欲受禪順帝不肯臨軒王敬則勒兵入迎順帝
曰欲見殺乎敬則曰出居別宮耳官先取司馬家亦
如此帝泣而彈指曰願後身世世勿生帝王家乃出就東邸

宋八主六十年匆匆過了

宋劉氏六主五十年假子二主七年共六十年

元嘉後何曾見一日昇平

元嘉文
帝年號

齊高帝蕭道成溪沉雅重

道成漢蕭何二十四世孫纂宋即位是為高帝
先封齊王國號齊帝博學能文深沉有大量

仗王褚移宋鼎廢弒嗣君

初道成廢弒主昱褚淵之力為多後欲篡宋吏部郎
王儉說道成曰宋氏失德非公豈復能濟遂倡議加
道成太傅假黃鉞及受禪侍中謝朓在直當解璽綬
朓曰齊自有侍中引枕卧王儉乃為侍中丹陽綬司
空淵乃奉璽綬詣齊宮勸進遂廢宋主於解陽尋殺
之滅其族道成即位以淵為司空錄尚書事儉為尚
書令處士何點戲謂人曰我作齊書已竟贊曰淵既
世族儉亦國華不賴舅氏違恤國家尹氏曰王褚皆
宋公主子為宋大臣顧以世臣華胄王室懿親忍將
外王父之家國輸之崛起之權奸曾狗彘之不若哉

愛猶子宣城鸞階之為禍

道成兄道生之子鸞早孤道成養之恩過諸子封宣
城公鸞表曰臣本庸才幸高皇帝篤猶子之愛隆家
人之慈顧氏曰道成篤猶子之愛階之為禍則當篡
位之初而伐枝之斧反噬之狼已在肘腋間矣
宣城縣名屬江南寧國府

彈詞註卷五

躬節儉期十載糞土黃金

高帝性清儉主衣中有玉導帝曰留此正長病源即
命擊碎每日使我治天下十年當使黃金與土同價

無大功竊宸居四年享祚

宋魏弁曰蕭氏父子無大功於天下既以逆取不能順守在位四年

老升遐傳長子寶位相承

道成殂傳位長子名曠是為武帝

齊武帝性剛明總持大體

革晉宋因仍弊府庫充盈

外和魏內恤民甚稱良主

顧充曰武帝剛毅有斷惟總大體革晉宋之弊政而
以富國為先外好強魏內保舊基封刃行誅玩法者
斂手故永明之世府庫充盈
內外寧然亦有齊之良主也

愛羽毛疎骨月猿響哀鳴

武陵王暉多才藝而疎婢無寵常侍宴醉伏地貂抄
內祥帝笑曰內汙貂對曰陛下愛羽毛而疎骨月帝
不悅帝子荆州刺史巴東王子響有勇力好武事私
作錦袍絳襖欲以餉蠻交易器仗長史劉寅以聞子
響怒殺之帝遣衛尉胡諧之將軍尹略等詣江陵檢
捕羣小子響遣使相聞曰天下豈有兒反今便躬還
關受殺人之罪略答曰誰略汝反父人共語子響
泣具酒饌餉臺軍略棄之江流子響怒西渡與臺軍
戰略敗死諧之逃去帝又遣丹陽尹蕭順之將兵繼
至子響即日乘舫艇至建康帝太子長懋素忌子響
密諭順之使早為之所子響見順之欲自申明順之
縊殺之久之帝遊華林園見一猿透灑跳鳴問左右
對曰猿子前日墜崖死帝思子響因鳴咽流涕武
陵縣名屬常德府巴東縣名屬荊州府 貂尾為飾略拂
過也 祥與繫通

大不幸子先亡太孫傳統

帝太子名長懋早卒立孫昭業為太孫帝殂昭業嗣位

彈詞註卷五

十五

鬱林王六箇月見弒宣城

昭業好與左右微服遊走市里作諸鄙戲西昌侯鸞
諫不從心忌鸞欲除之以衛尉蕭詵征南諮議蕭坦
之皆祖父舊人甚親信之詵與坦之見昭業狂縱日
甚乃勸鸞廢立鸞引兵入雲龍門昭業聞變猶為手
敕呼詵俄而詵引兵入閣昭業拔劍自刺不入輿接
而出行至西弄弒之以太后令追廢為鬱林王鸞自
為大將軍封宣城公昭業在位六月 西弄弄厦也
亦作廡今人謂小巷及過道屋為弄疑即江左相傳
之語也

海陵王未半載仍前被害

鸞立昭業弟昭文為帝在位四月廢為海陵
王尋詐稱王有疾數遣御師瞻視因而殞之

宣城鸞堂叔祖占了龍庭

明帝鸞高祖兄始安貞王道生之子昭
文之堂叔祖也至是弒昭文而自立

魏臨江詰廢立漢宣謬比

魏主以明帝自立伐之至壽陽齊豫州刺史豐城公
遙昌使參軍崔慶遠問出師故魏主曰齊主何故廢
立慶遠曰廢昏立明古今非一魏主曰卿主若不忘
忠義何以不立近親而自取之乎慶遠曰霍光亦捨
近親而立宣帝魏主曰霍光何以不自立慶遠曰非
其類也主上正可比宣帝耳且武王伐紂而不立微
子亦為貪天下乎魏主笑遣之

索香火殄十王以次行刑

明帝先殺鄱陽王鏘隨郡王子隆安陸王子敬南平
王銳晉熙王球宜都王鏗又殺桂陽王鑠江夏王鋒
建安王子真巴陵王子倫衡陽王鈞及有疾以近親
寡弱而高武子孫猶有十王欲盡除之以問始安王
遙光遙光以為當以次施行遙光每與明帝屏人久
語畢明帝索香火鳴咽流涕明日必有所誅會明帝
疾甚暴絕遙光遂殺河東王鈞臨賀王子岳西陽王
子文衡陽王子峻南康王子琳永陽王子岷湘東王
子建南郡王子夏桂陽王昭繁巴陵王昭秀等十人
於是太祖世祖及世宗諸子皆盡鈞等已死乃使公
卿奏其罪詔誅之

彈詞註卷五

十六

豺狼性五年終傳之寶卷

東海王徽文曰豺狼之性有甚
無悛在位五年俎傳子寶卷

嬖潘妃行淫亂蓮步生金

寶卷克暴淫亂潘妃有國色嬖之以閔武堂為芳樂
苑於苑中立市肆共為禪販潘妃為市令自為市吏
百姓歌曰閔武堂種楊柳以至尊屠肉潘妃沽酒鑿
金為蓮花以貼地令潘妃行其上曰此步步生蓮花
也潘妃名玉兒本名俞尼子
禪一本作禪謂小販之民也

圍城中恬不思笙歌內院

南康王親弟兄弒貶東昏

寶卷弟南康王寶融為荊州刺史蕭衍為雍州刺史
長史蕭穎胄行府州事寶卷以衍有異志遣將軍劉
山陽就穎胄兵襲衍衍知其謀徧與州府書聲云山
陽西上并襲荆雍穎胄大懼遂伏兵襲山陽殺之乃
以寶融教纂嚴以衍都督前鋒起兵於江陵衍亦發
襄陽又稱奉海陵母宣德太后令遙廢寶卷為涪陵

王寶融自即位於江陵衍進攻江鄂所向皆捷
建康數戰皆捷寶卷將軍寶徐元翰以東府城降李居
士以新亭降衍鎮石頭寶卷閉門自守衍命諸君築
長圍守之寶卷悉以軍事委王珍國嬖臣茹法珍梅
蟲兒說寶卷曰大臣不留意使圍不解宜悉誅之珍
國及其副張稷懼禍使後閭舍人錢疆夜開雲龍門
珍國稷引兵入殿寶卷方在含德殿作笙歌兵入斬
之稷以黃紬裹寶卷頭遣博士范雲送詣石頭衍以
太后令追廢寶卷為東昏侯 東昏今贛
陽縣雍州今襄陽府南康今江西贛州

齊和帝弒其兄委身蕭衍

寶融明帝第八子結衍弒兄而自立是為和帝衍
自為大司馬承制尋自為相國又進爵為梁王

貶巴陵求醉酒毒以生金

蕭衍篡位廢和帝為巴陵王乃使所親鄭伯禽詣姑
孰以生金進王王曰我死不須金醇醪足矣乃飲沉
醉伯禽就搯殺之 巴陵縣
名屬岳州府姑孰今太平府

齊七主短光陰二十四載

彈詞詩卷五

十七

齊自太祖至和帝凡七主二十四年捷錄曰二十四
年之七主齊祚之不長視六朝最甚焉嗚呼高祖欲
為子孫計以盡滅劉氏之族而子孫塗炭於明帝明
帝亦欲為子孫計以盡滅本宗而子孫復傾覆於梁
主夫然後知賊人以自利
者乃積禍以召殃者也

可憐生風雨過敗壞無存

梁武帝報兄讐生心奪位

衍兄懿先為齊尚書令東昏侯憚之賜懿藥於省中
懿且死曰家弟在雍深為朝廷憂之時衍為齊雍州
刺史及聞兄死乃集僚佐謂曰昏主暴虐當與卿等
共除之遂連弒二主終奪齊祚是為武帝先封梁公
進爵為王
故國號梁

廣文學勤庶政禮待群臣

帝雅好儒術詔置五經博士廣開館宇招納後進又
分遣博士祭酒巡州郡立學尤勤於政務冬月視事
執筆觸寒手為皴裂雖居暗室恒理衣冠
待臣必以禮對內豎小臣亦如遇大賓

却獻奉抑奢靡求成於魏

帝斷郡縣獻奉躬持節儉長齋一食菜羹糲飯一冠三載一衾二年後遣使求成於魏魏遣董給慰勞叛城帝召見遣還曰戰爭多年民物塗炭吾是以不恥先言自是南北修好使命常通

天監世治安久年歲豐登

天監武帝年號其時息兵省役海內宴然時和歲豐米斛二十錢

敬佛法造浮圖捨身同泰

帝敬信釋氏法捨身同泰寺設大會釋御服持法衣行清淨大捨素牀瓦器親為四眾講涅槃經羣臣以錢一億萬奉贖三請乃許後停寺講三慧經是夜同泰寺浮圖災帝曰此魔也宜廣為法事遂起十二層浮圖同泰寺在江寧府城中臺城內四眾比邱尼此出家二眾也優婆塞優婆夸此在家二眾也涅槃梵語華言示寂也佛說施燈文云願一切眾生皆得涅槃微妙光明言至涅槃者乃有微妙光明世人也浮圖塔也

彈詞註卷五

十八

戒宰殺宗廟祀麩做犧牲

帝以宗廟用牲牢有累冥道皆以麵為之於是朝野喧嘩以為宗廟去牲乃是不復血食竟不從

信守牧來降夢猿猴納版

魏太傅大行臺侯景以河南叛附於梁先正月乙卯武帝夢中原守牧皆以地來降至是景遣丁和上表言舉十三州內附和至稱景於正月乙卯定計帝愈神之召羣臣定議僕射謝舉等曰頃與魏和邊境無事今納其叛臣竊謂非宜帝不聽封景為河南王遣兵援之猿猴註見下林池句

薄心腸致激變强弩衝城

果然是林池殃金甌缺壤

初侯景納降帝意未決常獨言我國家如金甌無一傷缺今忽受景地脫致紛紜悔之何及中領軍朱异勸納之後東魏高澄作徽移梁曰侯景自生猜忌遠託關隴依憑奸偽逆主定君臣之分偽相結兄弟之親豈曰無恩終成難養今乃授之以利器海之以慢藏使其勢得容姦時堪乘便老賊奸謀將復作矣但

恐楚國亡棟禍延林木城門失火殃及池魚彼梁主者必將禍生骨日釁起腹心強弩衝城梁弋指關外崩中遺今實其時未幾澄遣書求成於梁司農卿傅岐曰高澄何事須和必是設間欲令侯景自疑圖禍亂耳帝不聽使還過壽陽景知之攝問具服乃啓帝曰臣與高氏釁隙已深今陛下復與連和使臣何地自處帝報之曰朕與公大義已定豈有成而相納敗而相棄乎初帝以貞陽侯淵明伐東魏有成功曰貞陽且至侯景夕返景謂左右曰我固知吳老翁言曰貞陽反計遂決壽陽今壽州鄴今臨漳縣貞陽汝寧府真陽縣

荷荷聲索密水餓死臺城

侯景反攻臺城陷之帝歎曰自我得之自我失之夫復何恨景入自加大都督錄尚書事帝為所制所求多不遂意飲膳亦為裁節憂憤成疾卧淨居殿口苦索蜜不得再曰荷荷遂殂荷荷憤怒聲韻會云荷勞也蓋是苦若之意

簡文帝受拘持寄身虎吻

彈詞註卷五

九

簡文帝名綱武帝第三子武帝殂太子綱立立宣城王大器為太子時侯景自稱漢王宇宙大將軍都督六合諸軍事帝雖承父業受制賊臣文選云身寄虎吻危若朝露上下四旁曰宇古往今來曰宙

樂遊苑聽笙歌無限傷情

景取簡文女溧陽公主甚愛之請簡文禳宴樂遊苑景與溧陽主共御牀南面並坐簡文聞絲竹淒然泣下景曰陛下何不樂上為笑景下席應弦而歌適上起舞樂遊苑在江寧府北七里覆舟山南溧陽縣名屬江寧府

迫禪位豫章王土囊遇弒

景行臺郎王偉說景廢立景從之遣彭雋等帥兵入殿廢簡文為晉安王幽於永福省殺太子大器而立豫章王棟偉復說景殺之以絕衆心景乃使偉與彭雋王修纂進觴簡文帝知將殺已盡醉而寢雋進土囊修纂坐其上而死

子棟立被幽囚景自稱尊

禪立一月景廢為淮陰王鎖於空室景自稱漢帝
按棟乃統之孫歡之子也非簡文子後為元帝使朱
買臣沈
之於水

梁元帝起湘東傷殘骨肉

元帝名繹武帝第七子先為湘東王遣兵攻河東王
譽於湘州岳陽王譽以蔡大寶守襄陽帥眾救之繹
遣兵襲襄陽晉道還繹遂攻湘州邵陵王綸致書曰
今社稷危恥創巨痛深惟應剖血嘗膽泣血枕戈若
外難未除家禍仍構骨月之戰勞兵損義虧失多矣
繹不從竟克湘州殺譽 河東今平陽府蒲州岳陽
今長沙府湘陰縣湘
州即長沙府晉音察

視父兄在急難全不關心

繹武帝子簡文弟尹氏曰蕭梁禍敗宗社覆滅繹未
聞遣一兵馳一騎勇於討賊必至父死兄弑始為進
攻蓋其包藏禍心欲借賊手以去其逼初不為父兄
而討賊也繹之處心如此故未幾而有江陵之禍國
殄絕矣

彈詞註卷五

三

淮海鯨載鹽屍方纔授首

繹遣王僧辨陳霸先等討景景兵大潰與百餘騎東
走前太子舍人羊鴟殺景傳首江陵暴屍於市士民
爭食之初景宴集召僧通僧通取肉搗鹽以進景答
所恨太鹽僧通曰不鹽則爛及景死王僧辨截其二
手送齊文宣傳首江陵果以鹽五斗置僧中投建康
僧辨等上表勸稱尊號繹曰淮海長鯨雖云授首襄
陽短狐未全革面太平玉燭爾乃
議之長鯨喻景短狐喻岳陽王譽

討蜀紀絕屬籍狠刈同根

益州刺史武陵王紀頗有武略武帝死紀遂稱帝於
蜀後紀帥軍伐江陵繹請魏伐成都以救之魏宇文
泰遣尉遲迴自散關伐蜀紀兵次西陵聞魏寇成都
憂懣不知所為繹將任約進攻紀將侯叡破之拔其
三壘兩岸十四城俱降紀不獲退順流東下將軍樊
猛追擊之紀眾大潰猛圍而守之繹密敕猛曰生還
不戒功也猛遂斬紀及其幼子圓滿又執圓照兄弟
三人送江陵繹絕紀屬籍下圓照等於獄絕其食而

死西陵今荆

著戎衣御龍光聽講老子
魏于謹率兵來欲避無門

繹講老子於龍光殿時魏遣柱國于謹帥師會後梁王啓伐梁武陵太守告魏兵且至乃使王琛使魏時內外戒嚴繹始停講琛馳報曰吾至石楚境上帖然乃復開講百官戎服以聽魏軍濟漢繹出城行柵謹令築長圍中外遂絕
謹字思敬仕周封燕國公

焚圖書數萬卷斯文煨燼

魏百道攻城梁反者開門納魏師繹退保金城乃焚古今圖書十四萬卷以寶劍擊柱折之難曰文武之道今夜盡矣遂出降後梁王啓使鐵騎擁之入宮囚於烏幔之下或問何意焚書繹曰讀書萬卷猶有今日故

巡城歌西陵歎酸鼻難聞

魏兵至柵下繹自巡城猶口占為詩羣臣亦有和者及江陵城剋帝製詩四絕其一曰南風且絕唱西陵

彈詞註卷五

三

最可悲今日還萬里終非封禪時

啓殺叔帝江陵後梁建號

啓昭明太子統之子元帝繹之姪啓借兵西魏殺繹魏取襄陽徙啓俊稱帝於江陵屯兵守之是為後梁

宣帝 蕭統字德施 小字維摩謚昭明

傳歸琮被隋朝廢作平民

宣帝祖傳子歸是為後梁明帝傳子琮是為末帝併入於隋隋文帝封琮為莒公

梁敬帝倚陳公廢而復立

敬帝名方智元帝第九子元帝被殺方智時為晉安王在江州迎至金陵即位齊以兵納梁貞陽侯淵明為帝以方智為太子稱帝七月陳霸先廢淵明復立方智

到頭來遭逼篡貶號江陰

霸先篡位廢敬帝為江陰王尋弒之

陳高祖名霸先梁朝宰輔

梁元帝時霸先為將軍敬帝時霸先為丞相尋封陳公進爵為王終篡敬帝位為陳高祖武帝

起江州討侯景屢建功勳

霸先初為始興太守侯景之亂起兵討景遣使詣湘東王受節度後與王僧辨等討景敗之景既殺元帝以為將軍遣屯京口始興今廣東韶州府

刈僧辨廢淵明弈棋建置

初霸先與王僧辨共滅侯景情好甚篤及齊遣淵明為帝僧辨納之霸先遣使爭之不從霸先曰武帝子孫甚多惟孝元能復讐雪恥其子何罪而忽廢之吾與王公並處託孤之地而王公一旦援立非次其志欲何為乎會有告齊師至者霸先部分將士使侯安都趨石頭軍入捧之投於女垣內眾隨而入霸先兵亦自南門入僧辨方視事外白有兵俄而兵自內出僧辨被執殺之廢淵明為建安公捷錄曰敬帝既廢而又立貞陽已立而復廢數月之中一予一奪易君如棄梗置君如奕棋

彈詞註卷五

五

剪王琳敗齊師兵不留行

梁廣州刺史王琳伐陳次白水乞師於齊齊納梁永嘉王莊於梁軍以琳為丞相琳遂以莊稱帝進伐臨川為陳所敗琳還湘州先是齊蕭軌與徐嗣徽合兵十萬侵梁攻於蕪湖霸先召周文育等禦之齊人跨山禦之齊兵至秣陵霸先召周文育等禦之齊人跨淮立橋柵度兵夜至方山嗣徽列艦青墩斷文育歸路文育攻之斬其驍將鮑碎嗣徽因留蕪湖自丹陽步上進及兒塘建康震駭霸先拒嗣徽於白城適與文育會將戰安都帥騎突其陳破之齊兵至幕府山霸先遣別將擊其糧運盡獲之齊兵殺馬驢以食泰等縱兵大戰安都自白下橫出其後齊兵乃與沈泰嗣徽及軌白水浦名蕪湖縣名屬太平府梁山即青墩即青山在太平府東南謝眺嘗築室於此又名謝公山兒塘或作倪兒塘地名在江寧府西幕府山下城名在江寧府西北齊武帝置縣陳亡城廢元武湖在江寧上元北十里

蕪湖縣名屬衛州府

扶敬帝總朝權終行篡奪

註見前遺
逼篡句下

減珍羞用瓦器諂事胡神

武帝性儉素常膳不過數品私宴用瓦器蚌盤殼核充事而已尤好諂事胡神捨身於大莊嚴寺

有二子陷長安內無儲嗣

武帝子昌項皆以江陵之陷沒於長安武帝殂內無適嗣

璜按綱目載霸先殂子昌項沒於長安今升菴云有二子陷長安與綱目合然考史昌其子而項其姪項乃始興王第二子與臨川王親兄弟此指為高祖子非是下云安成王高祖嗣皆誤觀文帝殂昌而封項且欲遵泰伯之事甚明

臨川王兄之子即位稱尊

臨川王禧武帝兄始興王之長子急召禧於南皖王謙讓不敢當后以昌故未肯下令侯安都曰今四方

彈詞註卷五

三

未定何暇及遠臨川王有大功於天下今日後應者斬按劍上殿曰皇后出壘是日即位是為陳文帝

陳文帝起艱難投籤警惕

帝起自艱難知民疾苦性明察儉約每夜刺聞取外事分判者前後相續教傳更籤於殿中者必投籤於階石之上令鎗然有聲曰吾雖眠亦令驚覺刺聞就聞中刺取外事

殺衡陽忘大德不算仁君

初高祖以子昌項在長安屢請之於周文帝即位周先遣昌還昌致書於帝辭甚不遜帝召侯安都謂曰太子將至須別求一藩歸老安都曰自古豈有被代天子臣請自迎之以昌為衡陽王昌濟江安都中流隕之使以溺告

陳廢帝性懦弱居臨海

初衡陽王昌死周復遣杜果送項南歸文帝以項為揚州刺史封安成王文帝病篤以太子伯宗太懦弱謂項曰吾欲遵泰伯之事項拜泣固辭文帝殂伯宗立項以司徒錄尚書事與中書舍人劉師如等同受

遺詔輔政項入居尚書省師知見項為朝野所屬忌
之謀出項於外矯報謂項曰今此必非太后意出外
府經理州事記室毛喜語項曰此必非太后意出外
即受制於人項使喜入言於太后太后曰伯宗幼弱
政事悉委二郎此非我意喜以報項項以師知付廷
尉賜死自是國政盡歸於項始與王伯茂以項專政
不平肆惡言項遂以太后令誣伯宗與師知等通謀
廢為臨海王以安成王入篡又下令黜伯茂使盜殺
之史稱臨海
王為廢帝

安成王高祖嗣合禮為君

註見前有
二子句下

陳宣帝事文皇力辭儲副

項廢臨海王而自立是為陳宣帝初文帝疾篤項入
侍醫藥文帝謂項曰吾欲遵泰伯之事項固辭文帝
又曰四海事重宜須長君尚書孔
奐流涕曰安成王足為周且遂止

既持權欺寡弱信義何存

彈詞註卷五

捷錄曰欺孤弱寡安成曾無周且之忠持權欺弱事
註見前貶寧海句下 安成郡名今江西吉安府

焚雲錦却青牛兩云恭儉

監豫州陳桃根表上織成文錦被各二百詔於
雲龍門外焚之又於所部得青牛獻之詔遣還

盟百官侵梁境舉動佻輕

帝立方明壇於婁湖以始興王叔陵為王官伯盟百
官自幸婁湖誓眾分遣大使班下四方以相警戒後
梁主歸稱帝江陵陳吳明徹攻江陵引水灌之周總
管高琳與梁王操拒戰十旬明徹敗退公安後又遣
章昭達攻梁梁主告急於周周使將軍李遷哲救之
昭達兵不利引還尹氏日前陳人攻梁不克令又遣
兵攻之周人救之陳師遂還然則陳無名與師避強
凌弱其罪見矣 婁湖在江寧府城東南十五里湖

上有古
婁湖苑

臨宴駕孝堂中群兒作亂

下梢頭收拾在後主長城

宣帝崩翌日小斂太子叔寶哀頓俯伏始興王叔陵
刃刺藥刀破太子中項長沙王叔堅右手檻青溪道放
東城囚以充戰士叔堅以太子命召右衛將軍蕭摩
訶入見受敕趣東府屯城西門叔陵自知不濟欲奔
隋臺軍邀斬之太子叔寶始即位後降隋爲長城公
是爲陳後主 長城今湖州府長興縣東府城名在
江寧府青溪橋東南臨淮水晉會稽王道子領揚州
其宅在州東故號東府東城即東府城也青溪在江
寧府治吳鑿東渠名青溪溪有曲逕潮溝以洩元武
湖

鑼鼓鬧曲聲沉金釵玉樹

戰塵生風刮倒結綺臨春

叔寶起結綺臨春望仙三閣皆以沉檀爲之金玉珠
翠爲飾叔寶自居臨春張貴妃名麗華居結綺龔孔
二貴嬪居望仙以宮人秦大捨等爲女學士日與僕
射江總尚書孔範等十餘人侍宴後庭謂之狎客使
諸妃嬪及女學士與狎客共賦詩采其尤艷麗者被
以新聲選宮女千餘習而歌之其曲有玉樹後庭花

彈詞註卷五

五

金釵兩臂垂等名 結綺臨春望仙三閣
俱在江寧府上元縣治東北五里臺城內

鍾陵山大軍輸蕭郎束手

隋以總管賀若弼韓擒虎伐陳陳以蕭摩訶爲都督
若弼攻京口摩訶請逆戰陳主不許及弼至鍾山摩
訶又曰弼軍深入壘塹未堅可以襲之又不可許任忠
曰兵法容貴速戰主貴持重今但分兵斷江路無令
彼信得通臣徑襲六合揚聲往徐州斷彼歸路則諸
軍不擊自去陳主亦不從明日歛然曰兵久不決
人腹煩可呼蕭郎一出擊之任忠苦請勿戰孔範奏
請任忠決當爲官勒石燕然乃使魯廣達馳於白土
岡任忠孔範摩訶軍以次而北若弼引兵趣範範以
兵暫交即走摩訶被擒 鍾山即蔣山在江寧上元
縣東北十八里京口今鎮江府六合縣名屬江寧府
徐州屬淮安府白土岡在江寧府東 賀若姓弼名
擒虎字子通

朱雀門擒虎入文武逃奔

任忠馳見叔寶信敗狀叔寶與金兩膝使募人出戰
忠曰陛下當此危難進軍臣以死奉衛叔寶信之救

出部分會韓擒虎直入朱林進軍志遂討數驍北降於老夫尚降諸軍何事衆皆散走
石子岡在江寧府一十五里

談王氣誇天塹賦詩縱酒

初隋軍臨江叔寶謂侍臣曰王氣在此齊兵三來周師再至無不摧敗彼何為者耶孔範曰長江天塹今日北軍豈能飛渡耶叔寶以為然不為備縱酒賦詩不輟後叔寶至隋隋主曰此敗豈不由酒與作詩之功

自有計投晉井基業銷沉

隋兵入叔寶惶遽將避匿袁憲正色曰大事如此去欲安之不若正衣冠御正殿依梁武帝見侯景故事叔寶曰吾自有計乃從宮人十餘出景陽殿將自投於井後閭舍人夏侯公韻以身蔽井叔寶與爭久之乃得入既而軍人窺井呼之不應欲下石又聞叫聲以繩引之驚其太重及出乃與張貴妃孔貴嬪同東殿在江寧上元縣治東北五里臺城內劉宋元嘉中

彈詞註卷五

三五

所建井即景陽井一名胭脂井陳後主與張孔二妃投其中以避隋兵後人名為辱井金陵覽古曰臺城內千福院有小石地言是景陽井有古石井欄其上有刻字惟戒哉二字可辨 晉音淵

天分割三百年乾坤瓜裂

凡東晉起至陳後主止凡二百七十七年

半東西半南北兩下崢嶸

經戰馬骨如山生靈齏醢

動刀鎗血混水河洛羶腥

隋文帝併周陳寧南靜北

楊堅篡周靜帝之位是為隋文帝九年擒陳後主而南北始混為一

總江山歸一統望想昇平

此一段說南朝四家興廢

據偏方些小地何足云云

南朝事半邊天長江隔界

北朝君同日月再有評論

按北史魏居先匈奴種類

曹魏時沙漠汗入貢來賓

鮮卑索頭部世居北荒至可汗毛始强大後十餘世傳授詰汾南遷居匈奴故地詰汾死力微立曹魏景

元二年遣子沙漠汗入貢晉武帝咸寧元年又遣沙漠可汗入貢晉元康六年索頭分其國為三部使

猗盧居定襄之盛樂故城晉愍帝建興三年以劉琨表請詔進猗盧為代王三傳至什翼健

道武帝拓拔珪興於晉末

什翼健世子寔早卒庶長子寔君殺諸弟並弑健國中

大亂寔子珪尚幼珪母賀氏以珪走依賀訥晉孝武太元十一年珪從曾祖統羅與諸部大人共請賀

訥推珪為主大會於牛川即代王位改代稱魏乘燕

慕容氏衰南取并州東舉幽冀自將克中山慕容麟走鄴魏尋入鄴

戊戌年即帝位建國平城

晉安帝隆安二年戊戌珪遷都平城始營宮室建宗廟立社稷十二月稱皇帝追尊遠祖毛以下二十七

人皆為皇帝改元天興是為道武帝平城今大同府

修制度飾規模天資信美

珪初制冠服命野朝皆束髮加帽命鄧淵立官制協音律董謐制禮儀王德定律令鼂崇考天象倣古制

定郊廟祭享禮樂分尚書三十六曹置五經博士增國子太學生命郡縣大索書籍送平城捷錄曰魏主

初政規模制度夙然改觀矣

鍊金丹崇左道不算聰明

儀曹郎董謐獻服餌仙經珪置仙人博士立仙坊煮鍊百藥

雷震殿怨神靈疑心很劣

雷震親天安殿東序親主惡之...
皆毀之初親主服寒食散...
見占者言有急變生肘腋...
平成敗得失獨語不止...
輒殺之或顏色變動或鼻息不調...
辭差謬皆以為懷惡在心...
死者皆陳天安殿前...
羣臣多不敢求親近

殺人夫奪人婦敗壞人倫

奸生子夜踰墻親行手刃

初珪見賀太后之妹美請納之...
夫不可奪也珪密令人殺其夫...
紹兇狠無賴珪嘗倒懸井中...
賀夫人夫人使人密告紹曰...
宮人通謀踰垣入宮弑珪

犬羊心終不善天理難容

發明曰珪因賀氏之美殺其夫...
非餘惡之所鍾乎善惡之報捷...
如影響不可誣也

彈詞註卷五

天

明元帝討兇人能行孝道

珪長子齊王嗣珪將立為太子...
其母乃賜嗣母劉貴人死...
嗣還舍日夜號泣珪復召之...
避嗣乃逃匿於外惟王路兒...
入平城告將軍安同等爭出...
士執紹鬻食之乃即位是為...
明元帝

舉八公同聽政不棄先臣

詔長孫嵩與安同奚斤崔宏等...
聽政時人謂之八公又以尚書...
入侍講論出議政事以舊臣...
親信令常宿於內以備顧問...
止車門門名

清郡縣討柔然諸邦助祭

明元以郡縣豪右多為民患...
內徙長吏逼遣之遂起為盜...
粟磔討不從命者所向皆平...
帥於牛川魏主救之可汗社...
大檀走魏兵追之遇大雪乃...
數百圍柔然北狄國魏神元...
未掠騎得一奴髮始

齊眉其主字之台木骨開廣語首元也
其子伏鹿會雄健始有部落自號柔然魏太武以其
無知伏類動蟲
改其號曰蠕蠕

控西秦奪宋境展到金墉

西秦王乞伏熾磐謂羣臣曰今宋雖奄有江南夏人
雄據關中皆不足與也獨魏主奕世英武武賢能為用
吾將舉國事之乃遣使入魏貢黃金二百劔并陳伐
夏方略初劉裕克長安魏遣使與裕和歲聘不絕及
聞裕死遣司空奚斤等攻宋滑臺拔之乘勝進逼虎
牢別遣將軍于栗磾取金墉又遣叔孫建將兵徇青
兗建南渡河軍碣磔宋兗州刺史徐炎南走於是泰
山高平金鄉等郡皆沒於魏建等遂入青州於栗磾
攻金墉河南太守棄城走圍虎牢二百日城陷執司
州刺史毛德祖悉定司兗豫諸郡縣置守宰以撫之
滑臺本春秋鄭之廩延邑後魏置東郡又改滑州
泰山在濟南府泰安州北高平今兗州府濟寧州金
鄉縣名屬兗州府金墉在河南府洛陽縣故城西北
角虎牢周關名在開封府汜水縣西二里漢為成臯
唐為武牢礪礪今濟南府
肥城縣司州今河南府

彈詭詳卷五

无

太武帝儘英雄光南耀北

明元祖太子燾立是為太武帝燾驚勇臨城對陣親
犯矢石將士畏服咸盡死力史斷曰有魏之業光過
北南

滅涼燕平夏國整衆南侵

太武以妹武威公主妻北涼王沮渠牧犍牧犍通於
其嫂李氏李氏毒公主太武乘傳遣醫救之得愈徵
李氏牧犍不遣魏主自將討之牧犍遣其弟董來拒
戰望風奔潰太武至姑臧分軍圍之姑臧潰牧犍降
太武猶以妹婿待之後有告其與故臣民交通謀反
者乃賜死北燕王馮弘稱藩於魏魏徵其太子謀仁
入朝弘不肯遣質魏使樂平王丕等伐燕至和龍弘
密遣楊伊請迎於高麗高麗兵至大掠城中弘帥龍
城見戶東徙至遼東高麗王璉遣使勞之弘稱制讓
之高麗遂殺弘並其子孫十餘人北燕滅太武聞夏
主赫連勃勃殂子昌立諸子相圖乃輕騎濟河襲統
萬昌方宴羣臣魏師奄至入西宮焚其門分兵四掠
太武曰統萬未可得也遣奚斤取長安奚斤與夏平
原公定相持於長安太武復乘虛伐統萬分兵伏於

偽道昌兵鼓驟進之太武分左右以特出城夏大武
乘勢逐至北城昌奔上鄧奚斤入長安又進攻上鄧
戰擒之送昌於平城太武以妹妻之赫連定復稱帝
於平涼太武襲平涼定走鶻觚原畏魏人之逼自洽
城濟河欲擊北涼吐谷渾王黠戛斯擊之執定送魏殺之
夏麗外國名統萬夏赫連勃勃所築城名今陝西寧
夏衛上鄧縣名故城在秦州吐谷渾本燕慕容暭之
兄其子以父字為氏號其國曰吐谷渾平涼今府名
鶻觚原今平涼府靈台縣

應童謠蒼龍年開江飲馬

宋文帝大舉侵魏取碭破圍滑臺太武自將救之眾
號百萬鞞鼓之聲震動天地宋將軍王元謨懼退走
麾下散亡略盡太武至彭城使尚書李孝伯餉宋江
夏王義恭貂裘餉宋武陵王駿豪駝及騾駃使長史
張暢出見之孝伯曰魏主不圍此城自帥眾軍直造
瓜步飲江湖以療渴耳暢曰去留之事自適披懷若
虜馬遂得飲江便為無復天道太武引兵南下城邑
望風奔潰魏師不齎糧用惟以抄掠為資及過淮民

彈詞詳卷五

三

多竄匿鈔掠無所得聞盱眙有積粟欲留為北歸之
資留數千人守之自帥眾南出進次瓜步聲言渡江
建康震懼太武以橐駝名馬餉宋主講和請婚宋亦
餉以珍饈異味魏師還攻盱眙宋將軍臧質與盱眙
太守沈璞拒守太武遺質書質復書曰爾自恃四足
屢犯邊境王元謨退於東申垣散於西爾知其所以
然乎爾獨不聞童謠之言乎蓋卯年未至故以二軍
開飲江之路耳魏大攻三旬不拔乃退走先是童謠
云虜馬飲江水佛狸死卯年故暢與質云然佛狸太
武小字次年壬辰二月太武被弑瓜步山名在揚
州府儀真縣西四十七里盱眙縣名佛音弼

殘六州丁壯盡掣戲孩嬰

魏凡破宋南兗徐兗豫青冀六州殺掠不可勝
計丁壯盡加斬截嬰兒貫於槊上擊舞為戲

興道法立天師尊崇孔聖

嵩山道士寇謙之修張道陵之術自言嘗遇老子降
授以辟谷輕身之術又遇老子元孫李譜文授以圖
籙真經使輔佐北方太平真君奉其書獻於太武朝
聖王受之信光殊大夫崔浩獨師受其術且上書曰

聖王受命必有天應河圖洛書皆言於靈顯以世未若今日人神對接手筆燦然辭旨深妙豈可文俗常慮而忽上靈之命哉太武欣然使講者奉牲宰祭嵩嶽迎致謙之弟子以崇奉天師顯揚新法起天師道場於平城謙之又言陛下以真君御世應受符書以彰聖德太武自詣道壇受符錄改元太平真君元年後侵宋南南至魯郡以太牢祠孔子嵩山在河南府登封縣北十里五嶽之中嶽也魯今曲阜縣道陵字輔漢子房八世孫

禁巫術毀佛教剪滅沙門

太武詔王公以下至庶人有私養沙門巫覡者皆遣詣官過二月十五不出沙門巫覡死主人門誅崔浩素不信佛法每言佛法虛誕宜悉除之及盧水胡蓋吳叛太武討之至長安入佛寺見大有兵器太武怒曰此非沙門所用必與蓋吳通謀欲為亂耳命有司按誅闔寺沙門聞其財產大得釀具及窟室婦女浩因說太武悉誅境內沙門焚毀金像詔有司宣告征鎮諸有佛像胡書皆焚燒沙門無少長皆阮之以後有事胡神及造泥人銅人者門誅太子晃好佛法緩宣詔書遠近得各為備沙門多亡匿獲免或收藏書

彈詞註卷五

像淮塔廟無復子遺 盧水胡即北地胡也窟室穴地為室以匿婦女

笑崔浩比子房自招赤族

崔浩博極羣書道武帝多問以異事累官司徒浩纖妍白皙如美婦人長於謀計自比張良而稽古過之太武使與高允共撰國史曰務崇實錄著作令史閱湛鄒標勸浩刊所撰國史於石以彰直筆浩刻石立於郊壇東方百步書魏先世事皆詳實北人忿恚相與譖浩以為暴揚國惡太武怒使有司按浩命高允為詔誅浩及僚屬僮吏凡百二十八人皆夸五族允曰浩若直以觸犯罪不至死太武怒命執允太子拜請意乃解曰無斯人當更有數千口死矣詔誅浩夸其族按宋書柳元景傳云柳光世為折衝詔誅浩北太守其姊夫司徒崔浩提拔壽南寇汝穎浩密有異圖光世要河北義士為浩應浩謀泄被誅河北大姓坐連謀夸滅者甚眾然後知浩受禍之酷特因史事發耳若修史直筆其職也何至赤族 崔浩字伯淵武城人高允字伯泰渤海蓀人

欽高允秉忠直死不欺君

太武使高允殺太子瑒及浩被執太子召允謂曰吾自導卿至尊有問但依吾語太子入言允小心謹密且制由崔浩請赦其死太武問曰國書皆浩所為乎允對曰浩所領事多總裁而已至於著述臣多於浩太武怒曰允罪甚於浩太子懼曰天威嚴重允小臣迷亂失次耳太武問果如東官所言乎允曰臣罪當滅族殿下哀臣欲苟其生耳太武顧謂太子曰直哉臨死不易辭信也為臣不欺君貞也遂赦之

能斬斷殺心多先誅有悔

太武性殘忍果於殺戮往往人已誅而復悔之至是誅崔浩悔之會宣城公李孝伯病或傳已死太武曰宣城可惜既而曰朕失言崔司徒可惜李宣城可哀

信讒言惑宗愛天喪賢儲

太武以太子晃總百揆太子為政精察而中常侍宗愛多不法晃惡之給事中仇尼道盛有寵於晃與愛不協愛遂搆其罪太武怒斬道盛於都街東宦官屬多坐死晃以憂卒

奴欺主再行凶蕭牆禍起

譚詞註卷五

太子晃死太武徐知其無罪追悼不已宗愛懼誅遂弑太武矯皇后令立南安王余愛為宰相總宿衛專恣日甚余謀奪其權愛憤怒余以十月朔夜祭東廟愛使小黃門賈周等就弑之

隴西王誅賊子奉立皇孫

愛既弑余而秘之惟羽林郎中劉尼知之密告殿中尚書源賀賀乃與尚書陸麗定謀使尼麗迎皇孫濬於苑中尼馳還東廟大呼宗愛弑南安王皇孫已登大位有詔宿衛之士皆還宮眾咸呼萬歲遂執宗愛賈周等誅之奉濬即位是為文成帝濬太子晃之子也源賀封隴西王今鞏昌府隴西縣

文成帝善安民重興佛教

初太武經營四方國頗虛耗重以內難朝野楚文成在位與時消息靜以鎮之懷集中外民心復安太武晚年佛禁稍弛羣臣多請復之至是詔郡縣各聽建佛圖一區民欲為沙門者聽出家於是羸之所毀率皆修復文成親為沙門下髮

察誣言誅有罪保護忠臣

詔以源賀為冀州刺史會人告賀謀反文成曰賀竭誠事國朕為卿等保之訊驗果証乃誅告者因謂左右曰以賀忠誠猶不免誣

獻文帝挺雄姿肅清朝野

文成帝殂長子弘立是為獻文帝弘聰睿夙成剛毅有斷即位時年十二馮太后稱制及親政後賞罰嚴明勤於為治史斷曰顯祖兼資雄斷故能更清漠野日啟南服

好浮屠悅黃老厭世遺塵

傳位與五歲兒自稱太上

獻文好浮屠黃老之學每引朝士及沙門共談元理雅薄富貴有遺世之心欲禪位於叔父京兆王子推子推兄任城王子雲曰陛下方隆太平豈得上違宗廟必欲遺棄塵務則皇太子宜承正統太尉源賀等皆附子雲議獻文怒變色中書令高允曰願陛下念周公抱成王之事獻文乃曰然則立太子羣公輔之命賀奉璽綬傳位與太子宏宏甫五歲羣臣奏曰今皇帝幼冲萬機大政猶宜陛下總之謹上尊號曰太

彈詞註卷五

重

上皇帝獻文從之徙居北苑崇光宮國大事乃以聞又建野鹿浮圖於苑中與禪僧居之

馮太后起邪謀酖死宮庭

馮太后有所幸李奕為太上皇帝所誅太后怒遂密以鴆毒弑之

孝文帝性寬慈精勤庶務

孝文帝名宏友愛諸弟始終無間羣臣犯罪者惟免死除名多所寬宥見道路有跛眇者停駕慰勞給衣食終身精勤庶務朝夕不倦如班祿均田作辟雍定樂章詔賑貸除逃亡緣坐法興文治變胡俗禁胡語求遺書法度量史稱其治行之美江左五朝皆莫及也

重文學減圖讖儉素持身

孝文好讀書手不釋卷在輿據按不忘講道善屬文詔策皆自為之好賢樂善情如飢渴李冲李彪郭祚之徒皆以文學見重又禁圖讖詔曰圖讖之興出於三季詭非經國之典徒為奸邪所憑今皆焚之留者以大辟論尤性甘儉素衣冠不修按劾讖木而已

遷大駕入洛陽改稱元氏

孝文以平城地寒風沙常起將遷都洛陽恐羣臣不止詔諸軍前發孝文戎服乘馬而出羣臣皆以死諫孝文曰今者興發不小苟不南伐當遷都於此南安王桢進曰陛下苟輟南伐之謀遷都洛陽此臣等願也時舊人雖不願內徙而憚於南伐無敢言者徵穆亮營洛都遂遷都焉又下詔以為北方人謂土為拓后為跋魏之先出於黃帝以土德王故為拓跋氏夫土者黃中之色萬物之元也宜改姓元氏

殺中宮誅太子頗礙人倫

孝文連年在外馮后私於宦官高菩薩孝文還洛收菩薩等案問具伏乃廢處後宮及孝文自將禦齊殂於穀塘原遺詔曰後宮久乖陰德吾死後可賜自盡葬以后禮遂賜死太子恂體素肥苦河南地熱常思北歸孝文賜之衣冠恂常私著胡服中庶子高道悅數切諫恂惡之謀輕騎奔平城手刃道悅於禁中孝文大駭廢為庶人置於河南無鼻城恂既廢頗自悔過中尉李彪表恂復與左右謀逆遂賜恂死立子恪

彈詞註卷五

五

為太子馮昭儀欲母養恪恪母高氏暴卒故立昭儀馮氏為后史斷曰馮氏既出而復入不當立也孝文則復致宮中使淫穢腥聞而夫婦亂太子恂既廢而悔過所當察也孝文則聽讒言直昇以死而父子傷

宣武帝任宗親奸邪亂政

孝文帝殂子恪立是為宣武帝宣武年十六不能親決庶務委政左右以外戚高肇及倖臣茹皓趙修等皆用事修尤親幸旬日間屢遷至光祿卿每遷官宣武親至其宅設宴王公皆從將軍茹皓有巧思寵於宣武弄權納賄司徒北海王詳驕奢好聲色貪冒無厭請託公行中外嗟怨亦附於修高肇本出高麗時望輕之宣武專委以事時高貴嬪有寵肇密弑后于氏及其子昌遂立高貴嬪為后肇益貴重父事多變更舊制削封侯黜勳人怨聲盈路宣武叔父彭城王勰固諫無立高后肇怒之譖於宣武召宴禁中夜遣武士齎毒酒殺之魏政浸衰

璜按宣武寵任皆外戚嬖倖若宗親多被誅戮今謂任宗親疑誤

民生離反叛起國勢侵凌

魏純選洛陽北邊流徙出以鐵鎗而城固無有懼
起集義立武興王楊紹先為帝梁州刺史王履各
奔梁巴西城人斬軍主李仲遷以城降梁秦州屠各
王法智聚眾推呂苟兒為主涇州民陳瞻聚眾稱王
豫州刺史陳伯之亦叛歸梁京兆王倫反信都鄂州
司馬彭珍潛引梁兵趨義陽三關戍主以城降懸孤
軍主白早生殺刺史司馬悅
亦叛降梁魏自是不復振矣

孝明帝幼冲年承傳大寶

宣武帝殂太子詡立是
為孝明帝時年六歲

胡太后稱制命穢德彰聞

孝明帝母胡充華時為貴嬪元魏故事立子先殺其
母魏自胡貴嬪始方不殺太子之母孝明初立時司
徒高肇督軍侵梁益州侍中王顯謀矯高后令以肇
錄尚書事顯與高猛同為侍中領軍于忠聞之執顯
於禁中殺之肇還入哭伏人於省下殺之廢太后高
氏為尼尋弑之尊胡貴嬪為太妃即尊太妃為太后
臨朝稱制太后聰悟頗好讀書屬文政事皆手筆自
決始聽政猶稱令後稱詔太后頗事妝飾數出遊清

彈詞註卷五

五

河王擇美丰儀逼而幸之鄭儼初為太后父國珍參
軍私得幸於太后至是拜中書舍人晝夜禁中每休
沐遣宦者隨之儼見其妻惟得言家事徐紇先為清
河王所厚亦得幸召為中書舍人兩人共相表裏勢
傾內外號為徐鄭儼累遷中書令紇為給事黃門侍
郎仍領舍人軍國詔令莫不由之又李神軌亦得幸
於太后亦領中書舍人紇等惡侍中元順剛直出為
太常卿順入辭時紇侍側順指之曰魏國不亡此紇
不死紇脅肩而出順叱之曰爾正供几案之用
豈應汗辱門下戮我彝倫振衣而起太后默然

羽林軍焚近臣英雄竊歎

征西將軍張彝之子仲瑀上封事求銓削選格排抑
武人不得預清品於是羽林虎賁作亂焚彝第仲瑀
重傷走免拽彝捶辱而死胡太后收掩羽林虎賁山
強者八人斬之餘不窮治懷朔鎮函使高歡素以任
俠雄於鄉里至洛陽聞變還家傾資結客或問故歡
曰宿衛相率焚大臣第朝廷懼而不問為政如此事
可知矣財物豈可常守耶
朔鎮名在大同府朔州城北

葛祭亂戒嚴討屢不成行

魏盜賊羣起所在皆報秦元鎮民杜洛周反於上谷
後葛榮殺杜洛周併其衆北越瀛州章武王融廣陽
王深引兵距之榮輕騎掩擊皆為所殺曰稱天子進
陷殷州刺史崔楷死之復陷冀州孝明戒嚴北討不
果行又戒嚴西討皆不果行廣陽故城在順天府
良鄉縣東殷州故城在衛輝府城西瀛州今河間府

爾朱榮賀六渾入清君側

車騎將軍六州大都督爾朱榮兵強劉貴等皆歸之
貴屢薦高歡於榮榮未之奇也廐有悍馬命歡剪之
歡不加羈絆而剪竟不蹄鬻起謂榮曰禦惡人亦猶
是矣榮奇其言屏左右訪以時事歡曰今天子闇弱
太后淫亂嬖孽擅命以公雄武討鄭儼徐統之罪以
清帝側則霸業可成此賀六渾之意也榮大悅後聞
孝明被弑榮大怒乃抗表曰大行皇帝棄萬方海
內咸稱醜毒致禍又立女皇上欺天地下惑朝野已
乃選君於孩提之中實使姦豎專權藜亂綱紀願聽
臣赴闕問侍臣帝崩之由訪禁衛不知之狀以徐鄭
之徒付之司敗雪同天之恥更擇宗親以承
寶祚榮以高歡為前鋒歡小字賀六渾

衆奸臣唆太后醜弑其君

彈詞註卷五

五

時嬖臣用事政事縱弛盜賊蠡起封疆日感孝明浸
長太后自以所為不謹凡事務為壅蔽母子嫌隙日
深孝明亦惡儼統等逼於太后不能去密召爾朱榮
舉兵內向欲以脅太后儼統恐禍及已陰與太后謀
密醜弑之

臨洮劍纔三齡被沉水底

初潘嬪生女胡太后詎言皇子大赦改元至是偽立
為帝既而下詔曰潘嬪所生實皇女也臨洮世子劍
高祖之孫可立遂迎劍即位劍甫三歲爾朱榮兵發
晉陽胡太后遣李神軌帥衆拒之別將鄭先護等守
河橋長樂王子攸潛自高渚渡河會榮於河陽榮立
為帝先護等開城納之徐統鄭儼皆亡走太后落髮
出家榮遣騎執太后及劍至河陰沉之河臨洮府
名屬陝西河橋在河南府孟津縣河陽今懷慶府孟
縣河陰縣名屬開封府長
樂魏郡名今河間府冀州

縱胡騎殺朝士至二千人

子攸既立以爾朱榮為都督封太原王入洛陽魏將
軍曹魏等說榮曰爾朱榮為都督封太原王入洛陽魏將

更制觀望恐遺北之國未成亦行宮列胡駢圍以肅宗
暴崩朝臣不能匡弼之罪縱兵殺之自丞相
高陽王雍司空元欽等以下死者二千餘人

範黃金鑄不就帝王形像

初榮以銅為顯祖諸子孫各鑄像唯子攸像成故立
之至是榮令軍士言元氏既滅爾朱氏與皆稱萬歲
遂遷子攸於河橋置之幕下高歡勸榮稱帝榮乃自
鑄金為像凡四鑄不成自悔曰惟當以死謝朝廷夜
迎子攸還宮叩頭請死

肅宗殯新皇后重耳宸嬴

榮女先為肅宗孝明帝之嬪榮欲莊帝納以為后莊
帝疑之黃門侍郎祖瑩曰晉文公在秦懷嬴入侍陛
下獨何疑焉遂立爾朱氏為后

孝莊帝志雄剛難禁劫制

孝莊帝名子攸爾朱榮所立孝莊剛斷有謀性勤政
事爾朱榮雖居外藩遙制朝政樹置親黨布列莊帝
左右伺察動靜大小必知爾朱后尤妬忌
莊帝外逼於榮內制於后常怏怏不樂

定計策手刃了天柱將軍

時榮自為天柱大將軍榮下人皆陵侮莊帝左右無
所忌憚城陽王徽侍中李彧勸莊帝誅榮莊帝欲殺
之以太宰元天穆在并州恐為後患故忍未發并召
天穆至莊帝乃召中書舍人温子昇告以殺榮狀曰
吾寧為高貴鄉公死不為常道鄉公生若殺榮與天
穆而赦其黨亦應不動耳乃定計伏兵明光殿東聲
言皇子生遣徽馳奔榮榮遂與天穆俱入莊帝先橫
刀膝下李侃晞等抽刀從東戶入榮即趨御座莊帝
手刃之並殺天穆

爾朱兆合世隆連兵向關

榮既被誅榮從弟僕射爾朱世隆是夜帥榮部曲走
屯河陰進攻河橋魏散騎常侍李苗乘船夜下縱火
船焚橋斷世隆兵溺死甚眾苗亦戰赴水死世隆
收兵北遁汾州刺史爾朱兆聞榮死即騎據晉陽世
隆至長子兆來會之共推長廣王粲即騎據晉陽世
隆亦起兵於同州

被幽囚及其子死在空門

爾朱兆等輕兵涉河騎叩宮門宿衛乃覺皆散走莊帝步出雲龍門外遇城陽王徽乘馬走屢呼之不顧而去兆執莊帝鑽之撲殺皇子縱兵大掠遷莊帝於晉陽竟弑之三級佛寺

曷恭朗一年中浮漚起滅

初爾朱世隆等於庚戌十一月起兵推曷即位於長子是為敬帝辛亥二月世隆廢曷為東海王而立廣陵王恭是為節閔帝冀州刺史高歡起兵信都討爾朱氏於辛亥十一月立渤海太守元朗是為中興王三主起滅止共一年長子縣名屬潞安府渤海今河間府滄州信都今省入冀都屬真定府

高丞相扶孝帝自總朝廷

高歡立朗自為丞相都督中外諸軍事擊滅爾朱幽節閔於崇訓佛寺旋弑於門下省復廢主朗而更立平陽王修修孝莊孫廣平王之子是為孝武帝歡自為大丞相天柱大將軍

彈詞註卷五

天

縱蛟龍得雲雨掌兵六鎮

初爾朱兆與高歡誓為兄弟時賊帥葛榮部眾流入并肆者二十餘萬為契胡陵暴皆不聊生大小二十六反兆患之問計於歡歡曰六鎮反殘不可盡殺宜選心腹使統之兆遂使歡統六鎮兵歡以兆醉恐醒而悔之遂出宣言受委統六鎮兵可集汾東受號令長史慕容紹宗諫兆曰高公雄才蓋世復使握大兵於外譬如借蛟龍以雲雨將不可制矣時兆左右已受歡金因稱紹宗與歡有隙兆怒因紹宗趣發歡并今太原府肆即忻州六鎮初魏太武破柔然高車列置降人於漠南分為六鎮曰沃野懷朔武川薄骨律懷荒禦泉

滅爾朱調番漢善任知人

高歡屯壺關河北大使高乾迎歡入信都共起兵以討爾朱兆歡遂詐為書稱兆將以六鎮人配契胡為部曲眾皆憂懼又為并州符調兵討步落稽乃發萬人將行故使孫騰尉景為請留五日如為失鄉客不送之郊雪涕執別眾號歡曰與爾俱為此者再歡不

人又嘗死奈何衆曰惟有汝爾
朱兆於鄴破之兆曰民殺汝
軍士其語鮮卑曰漢民是汝
之語華人口鮮卑是汝作客
何為疾之歡知人善任文武
潞安府步落稽匈奴別種晉
居河東之西曲

納君后復夸婚健誇兩婦

歡納孝莊后爾朱氏為妃蠕蠕又娶以公主妃迎之
公主仰射翔鷗妃斜射赤烏皆中歡喜曰我此二婦
並堪擊賊矣
蠕蠕即柔然

任敖曹倚彭樂勇冠三軍

初河北大使高乾起兵討爾朱氏以冀州迎歡乾弟
敖曹不從歡使子澄以子孫禮見之敖曹乃與俱來
敖曹馬稍絕世歡任以為將所向無前時鮮卑共輕
華人惟憚敖曹歡號令將士嘗鮮卑語敖曹在列則
為華言嘗詣丞相府門者不納敖曹射之歡知而不
責累官司徒歡與魏宇文泰戰於邙山歡將彭樂以

彈詞註卷五

元

數十騎衝魏軍所向奔潰遂馳入魏營虜泰督將僚
佐四十八人諸軍乘勝大破之歡使樂追泰獲泰金
帶一囊以歸言於歡曰黑獺漏刃破膽矣歡怒其失
泰樂曰乞五千騎復為王取之黑獺宇文泰字

剛兩載起疑心逐君背叛

歡立孝武甫二年侍中封隆之言於歡曰斛斯椿等
必構禍亂孫騰世其言椿白孝武隆之及騰皆逃就
歡孝武遂欲伐晉陽下詔戒嚴云欲伐梁歡覺其意
表曰臣為嬖佞所問一旦受疑陛下若垂信赤心願
賜斟量亟令廢出孝武下制書數歡罪惡歡遂勒兵
南出以誅斛斯椿為名以高敖曹為前鋒孝武亦親
勒兵屯河橋以椿為前驅使椿與潁川王斌之鎮虎
牢賈顯智鎮滑臺顯智遂以軍降歡歡引軍渡河斌
之與椿爭權遂給孝武曰歡兵已至孝武即召椿還
明日西奔長安歡遂入洛陽推清河王亶為大司馬
承制決事潁川魏改為鄭州
今潁州清河縣名屬廣平府

大將軍宇文泰挾入咸秦

宇文泰初為夏州刺史陳悅等殺秦州刺史賀拔岳

泰乃其軍至令往就之還復京何慮弗克孝武遣侍郎柳慶見泰於高平泰請奉迎輿駕孝武即以泰為關西大行臺令遣騎奉迎及歡兵渡河孝武西奔泰使趙貴梁禦帥甲騎遠迎又備儀衛自迎謁於東陽驛孝武謂泰曰朕不德致寇方以社稷委公其勉之遂入長安以泰為大將軍雍州刺史稷尚書令軍國之政咸取決焉夏州今陝西寧夏衛秦州屬鞏昌府魏雍州今西安府

因內亂酒盃中遭逢鴆毒

孝武閨中無禮從妹不嫁者三人平原公主明月南陽王寶炬之同產也從入關宇文泰使人殺之孝武不悅由是復與泰有隙飲酒遇醜而死

孝文孫元寶炬繼武稱尊

宇文泰奉南陽王寶炬即位寶炬孝文之孫京兆王愉之子是為文帝京兆今西安府

歡拜表入洛陽手扶善見

彈詞註卷五

四

歡自發晉陽凡四十啓孝武皆不報及孝武奔長安歡自追迎之不及而還至洛陽又遣僧道榮奉表於孝武曰陛下若遠賜一制許還京洛臣當帥勒文武式清宮禁若返正無期則社稷不可無主臣寧負陛下不負社稷孝武亦不答歡乃集百官議所立時清河王亶出入已稱警蹕歡醜之謂亶曰欲立王不若立王之子遂立其世子善見為帝是為孝靜帝魏都洛陽謂之京師故曰京洛

駐鄴都稱東魏別立乾坤

歡以洛陽西逼西魏南近梁境乃奉靜帝遷都於鄴是為東魏

從此後兩交兵互相勝敗

東魏高歡西魏宇文泰互相攻伐勝負不常

韋孝寬守金墉渤海銷魂

東魏以高歡為大丞相渤海王歡悉眾伐西魏泰以韋孝寬為并州刺史守玉壁歡至圍而攻之晝夜不絕歡使相延說之城外盡壁擊之術而城中守禦有餘歡使相延說之城外盡壁擊之術而城中守禦有餘歡使相延說之城外盡壁擊之術而城中守禦有餘

卒死者七八萬人歡智力俱困因而發病乃解圍去
軍中訛言孝寬以定功弩射殺丞相歡聞之勉坐見
諸貴使斛律金作敕勒歌自和之哀感動人 玉壁
城名在平陽府稷山縣西南
孝寬名叔裕以守行杜陵人

璜按魏大統四年戊午王思政以玉壁險要請築城
以鎮之後大統十二年丙寅韋孝寬守玉壁歡圍而
攻之茲云
全壙疑誤

高澄死弟高洋弑君篡國

高歡卒世子澄繼之澄獲衡州刺史蘭欽子京以為
膳奴京與其黨謀作亂會澄與陳元康等屏左右謀
受禪京進食寘刀盤下殺之弟太原公洋入討斬之
靜帝聞之竊謂左右曰大將軍死威權當復歸帝室
矣至是洋以重兵皆在并州欲早如晉陽入謁靜帝
從甲士八千人登階者二百人皆攘袂扣刃若對嚴
敵令主者傳奏曰臣有家事須詣晉陽再拜而出靜
帝失色目送之曰此人又似不相容朕不知死在何
日洋自為丞相封齊王至鄴作圍邨備法久謹當遜避
張亮逼靜帝禪位靜帝飲容曰推挹已久謹當遜避

彈詞註卷五

望

乃下御坐步就東廊以故犢車一乘送出雲龍門百
療拜辭遂遷於北城廢為中山王洋每出入常以中
山王自隨王妃太原公主恒為之嘗飲食護視之洋
飲公主酒使人鳩王殺之并其三子葬於鄴西後忽
柩而投
之漳水

西文皇捐社稷嗣子欽承

西魏文帝寶炬殂太
子欽立是為廢帝

宇文泰弑其君復其本姓

欽謀誅泰事泄泰廢之置之雍州立其弟
齊王廓復姓拓跋氏是為恭帝泰尋殺欽

齊王廓立三載貶宋稱公

宇文泰卒世子覺繼之自為周公尋廢恭帝廓
為宋公而篡位廓在位三年後為宇文護所弑

拓跋氏析為二一十六主

魏自高歡立善見而魏東宇文泰立寶
魏而魏西合計元魏東西共十六主

宋齊梁同歲月百六十春

魏自拓跋珪起晉安帝戊戌至恭帝廓終梁宣帝丙子凡歷南朝宋齊梁共一百五十九年

北齊者自高洋奪之東魏

東魏齊王高洋使侍中張亮等見靜帝逼以禪位靜帝使彭城王韶奉璽綬於齊遂即位國號齊改元天保元

年

號文宣居晉冀築起長城

洋立是為文宣帝都於晉陽初自黃墟嶺起長城北至杜平戍四百餘里置三十六戍後又築長城自幽州夏口西至恒州九百餘里又自西河總秦戍築長城東至於海前後所築東西三千餘里又長城內築重城凡四百餘里晉冀今山西太原府禹貢冀州之域春秋為晉秦曰晉陽

初時節算英明神謀比父

初洋為太原公內明決而外如不慧晉陽舊臣宿將素輕洋及至大會文武神彩英暢眾皆大驚父歡先

彈詞註卷五

謂長史薛琬曰此兒識慮過吾比父又註見下高歡不死

拒黑獺破柔然行陣躬親

洋稱帝魏太師宇文泰伐之自弘農為橋濟河至建州洋自將出頓東城泰聞其軍容嚴盛歎曰高歡不死矣引還柔然寇齊肆州洋自討之至恒州柔然散走洋以千餘騎為殿宿黃瓜堆柔然別部數萬騎奄至洋安卧平明乃起神色自如若指畫形勢縱兵奮擊柔然披靡田漬圍出柔然走追擊敗之令都督高阿那肱帥騎塞其走路阿那肱以兵少請益洋更減其半阿那肱奮擊大破之洋初立時軍國機策獨決懷抱每臨行陳親當矢石所向有功黑獺宇文泰字東城未詳淮南陽府城北舊有濛縣城俗呼東城肆州今忻州恒州今真定府黃瓜堆地名

貪酒色漸昏狂酣歌醉舞

齊王數年後漸以功業自矜嗜酒淫佚每醉輒手殺人以為戲樂高氏婦女不問親疎往往亂之或以賜左右不從者手刃之納娼婦薛氏有寵既而無故殺

於將上一堂大覺復收氣海津液以出於外而隨之嘗欲殺超道德道德曰臣於地下啟先帝諭此兒酣醜顛狂不可教訓洋默然而止

露身形塗粉黛剪刈宗親

洋肆行狂暴袒露形體面塗粉黛街坐巷宿有衛士言亡高者黑衣洋問何物最黑左右曰無過於漆洋以上黨王渙於兄弟第七執之永安王浚入朝從幸東山洋裸程為樂浚進諫及還州又上書切諫洋馳驛收之與渙皆盛以鐵籠寘於地宰飲食溲穢共在一所洋臨穴謳歌令浚等和之浚等悲怖聲顛洋愴然泣下將赦之長廣王湛曰猛虎安可出穴洋使左右刺之浚渙號哭呼天乃燒殺之遠近痛憤上黨今潞安府

逼親嫂亂人倫刀環築姪

齊主逼通昭信李后曰若不從當殺爾子后懼從之既而有娠其子太原王紹德有怨言后慙由是生女不舉齊主詔曰爾殺我女我何得不殺爾兒當即對后以刀環築殺紹德

彈詞註卷五

四三

臨死來憐兒孺也自傷心

璜按昭信李后即高洋之后刀環殺姪孫武成帝高湛事非高洋事又按洋兄澄后元氏魏靜帝之妹洋昏狂曰兄昔奸我婦我今須報乃淫於后升庵或因逼嫂而誤入築姪於此李后名祖娥

洋嗜酒成疾屢云太子殷性懦終當傳位於常山王演魏收謂楊愔曰太子國之根本此言非所以為戲愔白收言洋歎息而止及病篤謂李后曰人生必有死何足惜但憐正道尚幼入將奪之耳又謂演曰奪則任汝慎勿殺也遂殞道太子殷字常山今真定府正

齊廢帝一年來常山下手

洋祖子殷立是為廢帝在位一年常山王演廢為濟南王而自立後濟南王在鄆望氣者言鄆中有天子氣演使長廣王湛守鄆送濟南王於晉陽殺之濟南府名屬山東

孝昭皇馬跌死報應分明

演文宣之弟是為孝昭帝初演欲篡位言於婁太后太后從之乃令廢帝為濟南王以常山王入篡大統

勅太后視疾問濟南所在者三演不對太后怒曰殺之耶不用吾言死其宜矣遂去不顧

武帝繼其兄殺其猶子

武帝帝名湛先為長廣王初孝昭欲立湛為太弟既而立子百年為太子湛心不平至是演微湛立之又與書曰百年無罪汝可以樂處置之勿學前人演朝湛至晉陽即位封百年為樂陵王河清三年六月白虹貫日武成欲以百年厭之遣左右捶殺之棄諸池池水盡赤

斛律妃握寶玦哀慘難聞

初百年聞召自知不免割帶玦留與妃斛律氏及百年被殺妃把玦哀號不食月餘亦死玦猶在手拳不可開其父僕射斛律光自擊之乃開

和士開通胡后反誅龍子

和士開以善握槊彈琵琶為武成所親狎出入卧內遂得通於胡后後武成殂後主深委任之以為尚書

彈詞註卷五

四

令威權曰威忌後主弟琅邪王儼欲出之於外治書侍御史王子宜說儼曰殿下被疏正由士開間搆儼之儼詐領軍庫狄伏連執士開送臺儼斬之後主召名斛律光光開之大笑曰龍子所為固不凡因引儼請於後主求寬儼罪後主曰琅邪聰明雄勇自專殺以來常懷恐懼宜早為之計後主乃召儼使劉桃枝拉殺之時年十四遺腹四男俱幽死

四年餘稱太上傳與東宮

武成在位四年祖珽說和士開曰文襄文宣孝昭之子俱不得立宜說主上令皇太子早踐大位若事成中宮少主必皆德君請君微說主上珽自外上表論之士開許諾會彗星見太史奏云除舊布新之象珽上言陛下雖為天子未為極貴宜傳位東宮以上應天道武成遂傳位太子緯羣臣上尊號為太上皇帝

後主縲自稱呼無愁天子

後主名緯好自彈琵琶為無愁天子

百升飛高山倒敗壞家門

斛律光為左丞相封咸陽王數以祖珽勢傾朝野光惡之曰盲人入國必破矣由是與珽等有隙光弟羨為幽州刺史突厥畏之周韋孝寬密為謠言曰百升飛上天明月照長安又謠曰高山不推自崩樹葉不扶自舉令謀傳之於鄴珽因續之曰盲老公背受大斧饒舌老母不得語使其妻兄鄭道蓋奏之珽等因解之曰百升者斛也盲老公謂珽饒舌母似謂陸氏也且斛律累世大將明月聲震關西豐樂威行突厥女為皇后男尚公主謠言甚可畏也遂勸後主遣使賜光駿馬光必入謝因而執之後主如其言光入至涼風堂劉桃枝自後撲之仆顛曰桃枝常為如此事我不負國家桃枝與三力士拉殺之血流於地此之迹終不滅下詔稱其謀反并殺其二子遣賀拔伏恩乘驛捕羨至幽州門者白使衷甲馬有汗宜閉城門羨曰敕使豈可拒也出見之伏恩執而殺之及其五子並廢斛律后周主聞之為赦其境 明月光字豐樂光弟羨字突厥北狄種名盲老公祖珽嘗因罪置地牢夜以蕪菁子為燭眼為所熏以致喪明

陸令萱穆提婆一班邪佞

彈詞註卷五

望

宮婢陸令萱坐其夫謀叛配掖庭子提婆亦沒為奴後主在襪褌令萱養之巧黠善取媚有寵和士開高阿那肱皆為之養子後主以令萱為女侍中其子提婆冒姓穆斛律后廢令萱欲立穆昭儀為后胡太后自愧失德欲求悅於後主立兄女胡昭儀為后乃卑辭厚禮以求令萱結為姊妹被令萱亦以胡昭儀寵幸勸後主立之一旦忽以后后遣何物人作乃更立穆昭儀為主曰如此人一旦忽以后后遣何物人作乃更立穆昭儀為主曰如此語太后問故令萱曰不可道固問之乃曰語作如此語太后行多非法太后大怒呼后出立削其髮送還家自是令萱提婆勢傾內外賣官鬻獄賜與傾府藏自太后以下皆受其指麾生殺與奪惟意所欲以提婆錄尚書事與高阿那肱韓長鸞齊處壽陽擒曰三貴蠹國害民日月滋甚及陳師伐齊臨壽陽擒刺史王琳後主憂之提婆等曰本是彼家物任其取去假使國家盡失黃河以南猶可作一龜茲國更可憐人生如寄惟當行樂何用愁為後主大喜復酣歌狂舞不輟 龜茲國西域小國在大宛國西天竺國東 穆后名舍利小字黃花

馮小憐號續命攻戰皆行

進之號曰續命淑妃慧黠後主惑之坐同席出並馬願得生死一處周師攻平陽後主懼於天池告急者三至高阿那肱曰大家正為樂邊鄙小事何急奏聞至幕使至則平陽已陷矣後主將還淑妃請更殺一圍從之及周師還齊軍進圍平陽作地道急攻之城陷十餘步將士乘勢欲入後主杖且止召淑妃共觀之淑妃粧點不獲時至周人以木拒塞之城遂不下後主以淑妃為有功將立為左皇后令使馳取禕翟等皇后服御仍與之並騎觀戰東偏少却淑妃怖曰軍敗矣穆提婆曰大家去大家去遂與奔還至洪洞成淑妃方以粉鏡自玩後唱賊至於是復走內參以皇太后衣至後主為按轡命淑妃著之乃去天池惟太原府靜樂縣東北燕京山上有天池方一里餘洪洞成疑即平

少不得被周朝生擒父子

周主入平陽後主夜斬五龍門而出欲奔突厥從官多散乃回向鄴穆提婆西奔周軍斛律孝卿請親勞將士且曰宜慷慨流涕以感激人心後主既出不復記所受言遂大笑左右亦笑將士皆怒無復戰心後

彈詞註卷五

吳

主禪位於太子恒年纔八歲後主自為太上皇帝周師至鄴圍之齊人出戰大敗後主從百餘騎東走周遣將軍尉遲勤追之後主使高阿那肱守關自與穆后馮妃幼主等十人奔青州欲入陳阿那肱密召周師約生致後主屢啟云周師尚遠已令燒斷橋路後主由是淹留自寬周師至關阿那肱降周師奄至青州後主囊金繫鞍後尉遲勤追及后妃幼主盡擒之並胡太后送鄴

至長安差按舞剪滅無存

周執後主送長安封後主緯為溫公周主與齊君臣飲酒令緯起舞高延宗悲不自持後周人誣緯與穆提婆等反殺緯並其宗族皆賜死溫縣名厲懷慶府

後周朝宇文覺稱尊孝閔

西魏恭帝以岐陽之地封宇文泰子覺為周公覺篡位建國號為周是為孝閔帝

仗尊翁為冢宰西魏權臣

覺父泰先為賀拔岳司馬使鎮夏州岳死泰統其軍

師安是為西漢太師
大冢宰太傅太司徒
大司空自餘百官皆
寇大司空自餘百官皆
封安定公內外大權一
稟於泰 安定今平涼府
涇州

丁丑年稱天王長安即位

一年餘遭叔父奪與其兄

初泰尚魏孝武妹馮翊公主生覺姚夫人生毓毓於諸子最長娶大司馬獨孤信女泰將立嗣謂公卿曰孤欲立嫡恐大司馬有疑僕射李遠曰立子以嫡不以長何所疑遂立覺為世子泰病召中山公護謂曰吾子皆幼天下事屬之於汝宜努力以成吾志恭帝三年丙子十月泰卒覺嗣位年十五封周公恭帝四年丁丑正月護以覺幼弱欲早使正位以定人心以魏主詔奉冊璽禪位於周遷魏主出居大司馬府封為宋公以周公即位稱天王護為大司馬自為大冢宰覺立一年惡護之逼與公會李植等謀誅護植引宮伯張光洛同謀先洛以告護護遣柱國賀蘭祥逼覺遜位幽於舊第廢為畧陽公尋弑之立覺庶兄岐

彈詞註卷五

聖

州刺史寧都公

毓即天王位
璜按中山公護輔政眾莫服謀於大司寇于謹謹對眾定策云安定公一旦違世嗣子雖幼中山公親其兄子兼受顧託謹起拜眾亦拜是護乃泰兄子於覺為兄弟今作叔似誤 于謹字思敬

明皇毓立四年仍逢毒弑

武皇邕能果斷內難奪平

毓立是為明帝立四年護憚毓明敏有識量使膳部中大夫李安寘毒於糖餠而進之將殺口授遺詔五百餘言且曰朕子年幼未堪當國魯公邕朕之介弟能弘我周家必此子也遂殂當立是為武帝時護無兵衛威於宮闕邕深自悔匿詔五府總於天官事無巨細先斷後聞邕無所關預人不測其淺深每於禁中見護常行家入禮至是與同母弟衛公直等定謀引護入謁太后謂曰太后好飲屢諫不聽因出懷中酒器授之曰願兄以此入諫護入讀未畢邕以玉珽自後擊之護踣於地直出斬之護既誅邕始親政明察果斷用法嚴峻雖骨肉無所

大作爲任賢才恤民愛士

尹氏曰周高祖誅鋤大慙除積年根據之惡於俄頃之間蓋其韜藏晦匿於十有餘年之久有所不動動則必成此其神機密運果有大過人者親政後聽覽不倦勞謙接下養老太學尊禮曰謹北面受尊儒必之日齊博士熊安生遽令執手引與同坐道尊儒必將見我俄爾武皇幸其家掃門之與同坐給安車駟馬以自隨毀宮室壯麗者雕斲之物並賜貧民布寬大之詔多所蠲免安生字植之

待將卒親執手剪滅齊隣

武帝每行兵步涉山谷待將士有恩親履行陣執手慰勞將卒咸樂爲之死自將伐齊擒齊後主父子出齊宮中珍寶及宮中女二千班賜將士減齊註見前生擒父子句下

宣帝贊逞淫刑盤遊浪蕩

宣帝贊武皇太子嘗令討吐谷渾軍中多失德大將軍王執舉奏武皇杖之至是武皇伐突厥以疾留雲陽宮驛名宮正字文孝伯以後事付之贊即位即逞奢欲曾無戚容捫其杖痕大罵曰死晚矣閱視宮人

彈詞註卷五

哭

逼而淫之自以奢淫多過失惡人規諫欲爲威虐爾服羣下乃更爲刑經聖制用法益深密令左右伺察羣臣小有過失輒行誅譴先是王執因內宴將武皇鬚曰可愛好老公恨後嗣弱耳至是問鄭譯曰我脚杖痕誰所爲也譯言捋鬚事遂殺執忌叔父齊王憲屬尊望重使孝伯圖憲孝伯力諫宣帝使于智誣憲有異謀殺之並殺孝伯居喪即恣聲戲百樂日夜不休多聚美女宴飲沉湎游戲不節晨出夜還公卿以下常被捶撻每捶人皆以二百四十爲度謂之天杖後又加至二百四十

倚中官立五后嗜啞而崩

贊驕侈沉湎書奏俱付宦者又以鄭譯爲內史中大夫委以朝政旋傳位於太子闡以所居稱天台自此上帝稱天元皇帝立妃朱氏爲天元皇后後改朱氏爲天皇后立妃元氏爲天右皇后陳氏爲天左皇后與天元皇太后楊氏凡四后後又以尉遲妃爲天左太皇后共五后恣情宴樂淫戲無節及病瘖不能言遂崩朱氏名滿月元氏名樂尚陳氏名月儀楊氏堅女名麗華尉遲妃名熾繁

靜帝聞受親傳鬱於二載

一家兒齏粉在外祖隋文

天元瘖不能言小御正劉昉見闡幼冲以楊后父堅有重名與鄭譯謀引堅輔政堅乃稱受詔居中侍疾楊后雖不預謀然恐權在他族聞之亦喜天元崩秘不發喪昉譯矯詔以堅總知中外兵馬事闡入居天台是為靜帝以堅假黃鉞左大丞相百官總已以聽堅秉權二年自為相國進爵隋王加九錫旋篡位闡居別宮堅稱帝為隋文帝廢闡為介國公廢女周太后楊氏為樂平公主尋弒闡盡滅宇文氏之族楊堅本封於隨後有天下以周齊之間奔走不寧去走為隋用修曰隋徒卧切音隋字從左從肉裂肉也隨從走安步也其音既去隨而就情其義則捨安步而就裂肉豈非凶終之兆乎介後周州名今山西汾州樂平縣名屬太原府

齊五主僅盤桓二十八載

齊自高洋傳至後主
凡五主共二十八年

宇文周同天日少二年春

彈詞註卷五

周自宇文覺傳至靜帝
凡五主共二十六年

周取齊四年後楊堅篡國

周武帝建德丁酉五月滅齊至靜帝大象辛
丑二月楊堅篡位凡四年周後齊稱帝五年

論興亡同一轍枉鬧乾坤

到頭一枕南柯夢 苦殺無辜四海民

颯颯西風渭水蕭蕭落葉長安英雄回首北邙山虎鬪

龍爭過眼 閒看壩橋楊柳淒涼露冷風寒斷蟬聲裏

凭闌干不覺斜陽又晚 西江月

明朝又有新條在 惱亂春風卒未休

廿一史彈詞註卷之五

成都楊 慎用修編著

漢陽張三異禹木增定

男仲璜別麓註 孫坦舍坤章校

第六段 說五胡 點絳唇

暮鼓晨鐘春花秋月何時了七顛八倒往事知多少

昨日今朝鏡裏容顏老千年調一場談笑幾箇人知道

詩曰

百歲光陰似水流千年計策爲誰憂兒孫自有兒孫
福莫與兒孫作馬牛

馬力牛筋爲子孫龍爭虎鬪開乾坤戰塵摩撚英雄

彈詞註卷六

老殺氣薰蒸日月昏千載幾人傳後代百年誰主調
征魂孔明若曉其中意高臥南陽緊閉門

翰苑才人詩少詠草堂詞客話重論昨宵說到題詩

處今日推敲出妙音春夏秋冬排景致風花雪雨鬪

鮮新秦城哭毀悲姜女胡馬嘶寒痛李陵話到感傷

堪墮淚唱來哀怨每攢心指陳是否依前古剖判賢

愚警後人夜雨滴醒懷國夢春風吹起馬蹄塵風敲

玉馬閒中聽雨滴金階靜裏聞靜裡乾坤千古意閒

中日月四時春高人要識閒中景聽撥冰絃譜好吟

話說過南北史上是大節目中間又有五胡擾亂所謂

五胡者鮮卑匈奴氐羌羯五等不同自西晉武帝已亥

咸寧五年以匈奴劉淵為左部帥時有巴西民人李特入據成都至晉惠帝甲子永興元年劉淵稱漢帝李特號成王自後五胡相繼而起擾亂世界至南宋文帝已卯元嘉十六年北魏太武皇帝拓拔燾滅了北凉沮渠牧犍才方盡絕前後一百七十八年又過一百四十三年隋文帝辛丑開皇元年併周滅陳北朝盡絕前後胡羌擾亂天下共三百二十三年正所謂氏羯縱橫鯨吞北海南朝冗冗虎據金陵四海生靈不勝塗炭五胡之國號有五凉四燕三秦二趙一夏一蜀共一十六國蜀漢居先二趙繼之凉秦燕夏迭興迭滅共計稱尊建號者六十七人今將大略敘之

彈詞註卷六

蜀國李特巴西人西晉惠帝時據成都相傳六主曰李雄建興李班李期晏李壽漢李勢太和共四十六年東晉穆帝遣桓温滅之

前趙劉淵匈奴人西晉武帝時據平陽元熙和劉聰光興劉粲劉曜光初曜改稱趙凡五主共二十六年石勒滅之麟嘉按劉淵稱漢帝今以淵為前趙別於後趙石勒則劉曜應云改漢稱

趙

後趙石勒羯人劉聰之臣晉元帝時滅劉曜據襄國太和

平傳石弘建延石虎建武石世石遵石鑒青凡六主三十

六年其臣冉閔滅之

前凉張軌安定胡人晉懷帝時為凉州牧傳張實建興

張茂元張駿元張重華元張元龍始張天錫凡七主
共七十六年苻堅滅之

前秦苻洪略陽氏人晉穆帝時子苻健據長安稱帝始黃

傳苻生壽苻堅永興建元苻丕大苻登太初凡六主共四

十四年其臣姚萇之子姚興滅之

後秦姚萇赤亭羌人苻堅之臣弒主據長安白雀初傳姚

興皇初姚泓永和凡三主三十四年晉安帝時劉裕滅之

西秦乞伏國仁鮮卑人苻健之臣據金城建傳至弟乾

歸太初又傳熾磐永康建弘暮末永弘凡四主前後共四十六

年赫連勃勃滅之

夏國赫連勃勃匈奴人晉安帝時在姚興手下據朔方

彈詞註卷六

統萬背秦而稱天王龍升鳳翔傳赫連昌承光赫連定

凡三主二十二年北魏太武帝滅之

後涼呂光略陽氏人苻堅之臣據姑臧龍傳呂紹呂纂

咸呂隆神凡四主一十八年姚興滅之

南涼秃髮烏孤河西鮮卑人呂光之臣據廣武太初傳其

弟利鹿孤建和儁檀弘昌嘉平凡三主十九年乞伏熾磐滅之

前燕慕容廆昌黎鮮卑人晉初為都督其子慕容皝據

鄴都傳慕容儁元璽慕容暉建凡四主八十五年苻堅

滅之

後燕慕容垂皝之子也為苻堅之臣叛秦而據中山建

傳之慕容寶永慕容盛建慕容熙光凡四主二十五

年其臣馮跋滅之

北燕馮跋信都胡人後燕之臣叛據昌黎太其弟馮弘

與繼之凡二主二十八年魏太武滅之

西燕慕容冲慕容垂之弟據平陽自立始傳之慕容忠

慕容永中三主共十年慕容垂兼之

南燕慕容德垂之弟復據廣固自立建傳之慕容超太

凡二主十一年晉劉裕滅之

西涼李暠燉煌胡人後涼呂氏之臣建初傳其子歆嘉凡

二主二十五年沮渠氏滅之

北凉沮渠蒙遜盧水胡人事呂光又臣段氏又臣晉臣

魏後據張掖郡天璽永安元義和傳之子牧健永和凡二

彈詞註卷六

四

主三十九年魏太武滅之

凡此共十六國謂之五胡雲擾中間賢愚不等略舉大

端

南北史亂紛紛三百餘載

南北史李延壽撰自晉惠帝永興甲子劉淵稱帝至隋文帝開皇辛丑南北始一共三百二十三年

五胡人十六國據土稱尊

見本段前說大畧

先創立成都主巴西李特

李特巴西宕渠人晉太康中關西亂百姓流移就穀特隨流人寄食入蜀晉惠帝永寧辛酉朝廷召還流民入蜀者使將軍馮該督之時流民布在梁益為人備力聞州郡逼迫人人愁怨且年穀未登無以為行資特數為求停至冬流民皆感而特之多相率歸特

流民推特行鑑此大將軍羅尚擊斬特入弟李流代
成都改元建初益州刺史羅尚擊斬特入弟李流代
領其衆自稱益州牧流病卒衆推李雄為益州牧擊
走羅尚進據成都自稱成都王巴西今保寧府宕
渠縣名屬順慶府

子名雄當晉世國號為成

李雄特第二子晉惠帝永興元年
稱成都王國號大成後二年稱帝
璜按綱鑑有謂李流李雄皆特之弟
惟綱目集覽載李蕩與雄為特二子

用處士范長生扶持社稷

初李流屯郫城蜀民皆保險結塢野無煙火流衆饑
乏惟涪陵千餘家依處士范長生於青城山徐舉說
長生以糧給李流軍長生從之及雄稱帝長生請成
都雄門迎執板拜為丞相尊之曰范賢以為天地大
師長生博學多藝能年近百歲蜀人奉之如神青
城山在成都府灌縣西南五十里岷山連峯接岫千
里不絕青山乃第一峯也前號青城峯後名大面
山道書以此山為第五洞天郫城縣名屬成都府

彈詞註卷六

五

立姪兒為太子不背其兄

雄妾子十餘人皆不立為嗣立其兄特之子班為太
子羣臣固諫雄曰吾兄先帝之嫡負奇才大功事垂
克而早世今班仁孝好學
必能負荷先烈故立之

三十載命臨終傳之以位

雄在位三十一年病篤召建寧王壽受詔輔政曰吾
聞傳國以嗣嗣不肖以德今諸子皆非鼎器故不立
子而立班班
仁孝可輔之

太子班行喪禮孝義聞名

雄身多金瘡及病舊痕膿潰諸子惡而遠之班獨侍
側親為吮膿雄卒班居喪盡禮雄諸子越期等班皆
推心
待之

妾子越孝堂中興心弒主

亂因班詣孝堂夜哭弒之於殯宮 江陽今四川瀘州

弟名期方得志老母遭刑

越立弟期即位為成王班舅羅演等謀襲期而復立班子事覺期復收演等並班母羅氏俱殺之

雄弟子襲成都殺期篡國

期驕虐日甚忌李壽威名以為車騎將軍使出屯涪城壽李驥之子雄之弟也起兵襲成都壽子勢時為羽軍校尉帥眾開門納壽壽遂克成都屯兵宮門橋太后任氏令廢期為縣公幽之期自縊壽篡位 涪城今成都綿州

自為君改國號漢主中興

壽自稱帝改國號漢改元漢興

太子勢既登朝殺其弟廣

彈詞註卷六

壽卒太子勢立勢弟漢王廣以勢無子求為太弟勢弗許襲廣於涪城廣自殺

晉桓温一燭火束手遭擒

勢驕淫不恤國事晉桓温帥師伐之直指成都進遇漢將李權三戰三捷勢悉眾出戰於窄橋温大破之乘勝長驅縱火燒其城門勢遂降送建康封歸義侯而漢亡 窄橋在成都府西四里

同世界漢劉淵匈奴部帥

晉武帝咸寧中李特劉淵同時分據惠帝永興元年淵稱漢帝李雄稱成都王此二國創立最先初南單于自謂其先主漢室之甥因冒姓劉氏魏曹操留單于呼厨泉於鄴分南匈奴為五部處之并州境内以左賢王劉豹為左部帥至晉咸寧五年豹卒豹子淵為左部帥 呼厨泉南單于王名劉淵叔祖也

晉懷時稱漢帝祖漢為君

初晉太弟穎表淵為冠軍將軍監五部軍事使將兵在鄴淵從祖右賢王宣謀推淵為大單于使呼延攸請鄴告之淵白穎請歸國難穎悅拜淵為北單于淵

漢至左國城宣等上大單于之約為兄弟及共
建國號曰漢追尊安樂公禪為孝懷
皇帝至晉懷帝永嘉戊辰淵遂稱帝

擁大衆據平陽威加塞上

初淵至左國城二旬之間有衆五萬遂都左國城後
胡晉歸者愈衆復徙都蒲子及稱帝太史令宣于修
之以星變言于淵曰不出三年必克洛陽蒲子崎嶇
難以久安平陽氣象方昌請徙都之淵從之史斷曰
蠶起之衆輻輳歸之石勒王彌之輩皆北面稱
臣平陽府名隸山西蒲子今平陽府隰州

子劉和方即位見弑於聰

淵寢疾以子楚王聰為大司馬大單于淵卒太子和
即位和性猜忌恐聰權重不利於已率兵攻聰於單
于臺不克聰即
弑和而自立

聰得志聽兇兒芟除骨肉

聰以子祭為相國祭與太弟又有隙與靳準等計使
謂又曰適逢中詔云京師有變宜衷甲以待又信之
彈詞註卷六

準等白聰曰太弟將為亂自與宮臣皆衷甲矣聰使
探之果然命準誅其官屬廢又為百部王祭尋使準
弑之

入洛陽擒晉主九載而薨

晉永嘉五年聰使呼延晏石勒等寇洛陽克之擒晉
懷帝建興三年使劉曜陷長安擒晉愍帝聰在位凡
九年

子劉粲殺叔父宣淫庶母

聰寢疾以上洛王景濟南王驥輔政太子祭即位改
元漢昌聰后靳氏樊氏宣氏王氏俱年未二十有邑
祭皆悉焉靳準陰有異志私謂祭曰近聞上洛濟南
諸公欲行伊霍之事宜即除之祭不納準使二靳氏
復乘間言之祭遂收景驥殺之國事一委於準
上洛縣名今西安府商州濟南府名屬山東

一家門遭靳準駢死官庭

祭荒淫不道靳準執祭弑之劉氏男女無少長皆斬
於中發掘屍二使靳聰屍焚其廟自號大將軍漢天

弟劉曜滅靳家改稱前趙

曜聰之弟淵之族子早孤養於淵時為大司馬封始安王聞靳準之亂起兵長安與石勒共討準準數挑戰勒堅壁以挫之漢將軍喬泰等斬準推靳明為主遣卜泰奉傳國六璽降漢勒進軍攻明遂漢曜收靳氏男女皆斬之先曜聞亂進軍至赤壁遂即位以石勒為大司馬加九錫進爵為趙公後徙都長安改國號趙 赤壁水名源發平陽府趙城縣霍山西南流至岳陽縣西漏崖入地過南三十里復出合澗水

歷戰征射貫鐵雄武馳名

曜幼聰慧及長雄武魁偉鐵厚一寸射而洞之聰常以為漢世祖魏武帝之流

張茂降難當服稱臣納貢

曜西擊涼州張茂茂遣使稱藩曜封茂為涼王曜親攻氏羌楊難敵難敵退保仇池遣使稱藩曜以為武都王 武都仇池皆郡名今總為鞏昌府成縣

彈詞註卷六

八

志驕酣被石勒一戰而擒

後趙王石勒遣石虎攻趙蒲阪曜自將救之虎敗曜遂攻金墉勒命石堪等兼榮陽自統步騎濟自大壩至成臯卷甲衝放詭譎乘行出於鞏步之間曜專與嬖臣欽溥不撫士卒忽知勒自來色變使人掘金墉之圍陳於洛西勒率步騎入洛陽城虎引步卒攻曜中軍堪以精騎擊其前鋒大戰於西陽門勒出閭闔門夾擊之曜素嗜酒至是將戰飲數斗至西陽門揮陣就平堪因而乘之趙兵大潰曜昏醉墜馬為堪所擒勒下令曰所欲擒者一人耳今已獲之矣曜至襄國勒殺之曜子熙立次年亦沒於趙前趙遂亡 蒲阪今平陽府蒲州成臯今開封府汜水縣鞏鞏皆縣名鞏即河南府鞏縣洛西水之西也

石勒氏據襄國時稱後趙

石勒上黨武鄉羯人并州飢東瀛公騰執諸胡賣充軍實勒被掠賣為荏平人師權奴權其狀而免之勒乃與牧師汲桑結壯士為盜及公師藩寇掠趙魏

以營河北河北定莫有處將軍之右者矣時晉劉琨以兄子演鎮鄴賓曰攻之未易猝拔不若擇便地而據之勒遂進據襄國晉太興二年勒遂與曜絕曰趙王趙帝孤自爲之何待於彼耶自稱趙王是爲後趙上黨今山西潞安府武鄉縣名屬沁州獨本單于別部散居上黨武鄉者因號馬箠在平縣名屬山東東昌府三臺前臺名銅爵魏曹操築在彰德府臨漳縣治南中臺名水井在縣治西南後臺名金虎亦在西南南北聯屬各高四十餘尺襄國今北直隸順德府石勒

十四歲入洛陽倚嘯東門

勒年十四行販洛陽倚嘯上東門王衍見而異之曰向者胡雛有奇志恐爲天下之患馳遣收之勒已去

大英雄擐甲胄幾平海內

勒躬擐甲胄所向莫敵用兵如神

任張賓呼右侯特重謀臣

彈詞註卷六

九

中邱人張賓闊達有大志常自比子房初勒狗山東賓謂所親曰吾歷觀諸將無如此胡將軍者可與共成大業乃提劍詣軍門勒用以爲謀主及勒即位加賓大執法封濮陽侯呼曰右侯而不名

志磊落喜聽書羞談曹馬

勒問中書令徐光曰朕可方何主對曰陛下神武謀畧過於漢高勒曰朕若遇漢高當北面事之若遇光武當並驅中原未知鹿死誰手大丈夫行事宜礪礪落落終不效曹孟德司馬仲達欺人孤兒寡婦狐媚以取天下也勒雖不學好使諸生讀書而聽之時以其意論古今得失嘗聽讀漢書聞酈食其勸立六國後驚曰此法當失何以遂得天

稱天王剛四載老病身傾

太子弘止一年遭逢石虎

晉咸和五年庚寅二月勒自稱大趙天王立世子弘爲太子子宏爲大單于以從子虎中山公爲太尉虎怒曰吾身當矢石二十餘年以成大趙之業大單于當以授我乃與黃物婢兒念之令人氣塞待主上

驚後不足復留種也至九月朔公稱皇帝至癸巳七月勒病卒弘即位虎自為丞相魏王大業天下自當有議何為自論耶弘流涕還宮謂程太后曰先帝種真無復遺矣於是尚書奏請依禪讓故事虎曰弘愚暗不可君萬國便當廢之何禪讓也遂廢弘為海陽王自稱居攝天王
中山今真定府定州

殺其身及其母負痛難伸

石虎先殺太后劉氏後幽弘及太后程氏尋皆殺之

石虎氏自稱尊連屠親子

晉建武丁酉虎稱趙天王建元己酉虎即帝位虎太子邃素驍勇虎愛之嘗謂羣臣曰司馬氏父子弟兄殘滅使朕得至此如朕有殺阿鐵理否既而邃驕淫殘忍虎亦荒耽酒色喜怒無常數笞捶邃遂謀殺虎事覺虎廢邃殺之并男女二十六人同埋一棺立子宣為天王皇太子後虎愛次子泰公韜欲立之以宣年長猶豫未決宣謂楊柸曰汝能殺韜以韜國邑封汝韜死主上必臨喪吾因行大事蔑不濟矣柸等殺

彈詞註卷六

韜虎哀驚久絕方蘇既而事覺虎幽宣於席庫以鐵環其額而鎖之斫眼潰腹縱火燒之虎登中臺觀之取灰分置諸門交道中殺其妻子九人宣小子年數歲虎尤愛之於抱中取而戮之兒挽虎衣大叫至於絕帶虎因以發病
阿鐵邃小字

用純灰滌腸胃終養兇兒

虎曰吾欲以純灰三斛洗吾腹腸穢惡故生兇子

末年來傳位與幼兒石世

初虎將軍張豺護劉曜幼女納於虎嬖之生幼子齊公世宣死虎議立太子太尉張舉曰燕公祗有武畧彭城公遵有文德惟陛下所擇豺曰陛下再立太子其母皆賤故禍亂相尋今宜擇母貴子孝者立之遂立世為太子虎卒世遂嗣位

石遵來又殺世推刃天倫

初虎病甚以彭城王遵鎮關右燕王斌為丞相受遺詔輔政劉后恐斌不利於太子矯詔殺之遵自幽州

石罌等討梁績還遺之遺李城說遵曰殿下長且賢先帝亦有意以為嗣末年愾惑為張豺所誤今若聲豺之罪鼓行而討之其誰不開門倒戈而迎殿下者遵遂還趣鄴者舊羯士皆出迎之遵入升前殿斬豺於市假劉氏令以遵嗣位封世為譙王尋殺之

不記得勒遺言淡思周霍

初勒病篤遺命曰大雅兄弟宜善相保司馬氏汝之前車也中山王宜深思周霍勿為將來口實 大雅 勒太子 弘字

前人死後人屠報應分明

鑒殺遵閔殺鑒石祗稱帝

勒死虎殺其子弘虎死遵殺其子世初遵殺世武與公閔之力居多及即位惡閔權重召義陽王鑒謀誅之鑒以語閔閔遂劫李農等殺遵而立鑒以閔為大將軍農為大司馬鑒又惡閔農之逼使樂平王苞等攻閔農不克閔尋殺鑒而自立並殺虎三十八孫盡滅石氏閔本姓冉為石氏所養至是復姓冉改國號

彈詞註卷六

士

曰大魏時趙新興王石祗鎮襄國聞冉閔之亂遂即位稱帝 義陽今汝寧府信陽州樂平縣名屬太原府新興今太原府忻州

二三年都做了橫死猖神

祗在位三年使其將劉顯攻閔閔大敗顯軍顯懼請降求殺祗以自效顯歸弑祗而自立趙亡閔在位三年攻克襄國殺顯因遊食常山中山諸郡燕王儁遣慕容恪擊之燕兵十戰皆不勝恪乃分軍為三部以鐵鎖連馬為方陣而前分兩軍從旁夾擊圍閔數重閔潰圍東走馬忽斃為燕兵所執送龍城斬之魏亡

留却下身後報死猶餘恨

三百鞭一柱殿漂蕩屍靈

初麻襦見石季龍語了無異言惟道陛下當終一柱殿下後燕王慕容儁夢石虎翼其背乃令人發屍於東明觀其屍僵而不腐儁數其殘暴之罪令武士鞭之三百投屍漳水倚橋柱不流時人以為一柱殿下即此也 石

前涼主晉懷時西平張軌

張軌安定烏氏人晉懷帝時為涼州刺史永嘉二年封西平公涼州今陝西涼州衛西平今陝西西寧

衛

牧涼州封太尉一代忠臣

晉愍帝建興二年以軌為太尉涼州牧初王彌寇洛陽軌遣都護北宮純入衛後復馳檄關中翼戴帝室時州郡之使莫有至者軌獨貢獻不絕忠臣誌見下張實註下

子張實嗣其宗入朝獻璽

軌卒子實立初惠帝失璽於蕩陰涼州軍士得之文曰皇帝行璽獻於實實曰是非人臣所得而留乃獻之長安書法曰軌能匡輔晉室子實嗣位一書得璽獻之一書遣兵入援一書遣韓璞將兵伐漢一書遣使上表皆子其忠也實可謂世篤忠貞者矣

甫七年遭帳下為璽傷身

彈詞註卷六

三

京兆人劉弘客居涼州天梯山以妖術惑眾實左右皆信事之弘自言天與神璽應王涼州實帳下閻涉等謀殺實而奉弘實知其謀遣收弘未至涉等遂殺實實所遣兵執弘輟之誅其黨與數百人實立於晉愍帝建興甲戌弒於晉元帝太興庚辰在位七年京兆今西安府天梯山在陝西涼州衛城南八十里

叔張茂立三年拜降劉曜

左司馬陰元等以實子駿尚幼乃立駿叔茂嗣位以駿為世子立三年趙王劉曜擊之茂出屯石頭疑寡不敵眾遣使稱藩曜拜茂太師封涼王加九錫

封涼王剛半載子駿為君

曜封茂為涼王半載即卒實子駿即位

向中華去趙封仍稱晉將

駿聞趙兵為後趙所敗乃去趙官爵復稱晉大將軍涼州牧遣張淳稱藩於成主李雄假道通表建康

二十年假王號氣勢憑陵

魏立二十二年時賊盡有隴西之地士馬強盛雖稱臣於晉而不行中興正朔所立官僚府寺擬於王者

臨洮府

隴西今

傳位與子重華攻秦擊趙

駿卒子重華嗣位晉仍遣使拜西平公重華自稱涼王重華攻秦上郅拔之趙王虎以重華新立遣麻秋等擊涼進攻抱罕重華使謝艾擊敗之秋等退守大夏虎聞之歎曰吾以偏師定九州今以九州之力困於抱罕彼有人焉未可圖也

上郅縣名故城在秦州抱罕城名一統志故城在陝西河州衛西

庶兄來弒幼主骨肉分爭

重華卒子曜靈立年甫十歲重華庶兄祚有勇與嬖臣趙長等結為兄弟曜靈立未一月長等廢之而立祚祚自稱涼王祚惡河州刺史張瓘之彊使索孚代之瓘斬孚起兵傳檄州郡廢祚復立曜靈將軍宋混應之祚殺曜靈混軍至姑臧瓘弟瑀開門納之長等懼罪入閣呼重華母馬氏立曜靈弟元靚為主諸將收長殺之祚素失衆心莫肯為之鬪者亦見殺姑臧縣名故城在陝西涼州衛東河州一統志云即陝

彈詞註卷六

三

西河州衛

張元靚立九年死於叔父

元靚始七歲張瓘推為涼王在位九年叔父天錫專權執政元靚庶母郭氏謀誅之事泄天錫遂執元靚弒之

張天錫奪姪位酒色荒淫

天錫殺姪篡位自稱涼州牧西平公荒於酒色不親庶務人情憤怨

傳七代亂離中四場家禍

自張軌至天錫凡七主曜靈張祚不與其內而實曜靈祚元靚俱被殺

有虛名無實位降與苻秦

前涼諸王止有稱王虛名俱未即真天錫在位十三年秦王苻堅命王猛為書諭以天錫懼遣使稱藩堅拜為涼州刺史西平公後堅以天錫臣道未純遣尚書郎宋徽之天錫討徽之秦將軍苟長等濟河天

錫還將寧據拒戰敗死秦兵至姑臧天錫出降秦封為歸義侯前涼亡

前秦者略陽人蒲洪子健

苻弘略陽氏人其家池中蒲生長五尺五節如竹形時咸謂之蒲家因為氏焉又隴右大雨謠曰雨若不
止洪水必起遂名洪後以讖文有草付臣又土王咸陽八
孫堅始生背有赤文隱起曰草付臣又土王咸陽八
字因改姓苻名堅以應之晉懷帝永嘉中洪自稱略
陽公三秦王尋為故趙將麻秋所殺子健收秋斬之
嗣位是為前秦 略陽縣名屬漢中府氏本西南李
種漢置武都郡排其種人分窟山谷或號青氏或號
白氏

永和辛亥歲即位稱秦

晉穆帝永和辛亥七年健即天王大單于位國號大
秦八年健以單于統一百蠻非天子所宜領以授太
子自稱
皇帝

子苻生性暴虐瞎兒一淚

彈詞註卷六

十四

健第三子淮南王生幼無一目而性尤暴虐祖洪嘗
戲之曰吾聞瞎兒一淚生怒引佩刀自刺目出血曰
此亦一淚也洪驚鞭之生曰性愛刀槊不堪鞭筆洪
欲除之健曰兒長自應改何以遽爾及長力舉千鈞
手格猛獸擊刺騎射冠絕一時健以讖文
有三羊五眼乃立生為太子健卒生嗣位

屠功臣恣殺害被弑宮庭

初健寢疾以太傅毛貴尚書令梁楞僕射梁安等受
遺詔輔生後有星變中書令胡文言三年內國有大
喪大臣戮死生曰皇后對臨天下可以應大喪矣毛
太傅等可以應大臣矣乃殺皇后及貴楞婢生在位
二年自公卿以下凡殺五百餘人生對海王堅及阿
法兄弟亦不可信明當除之婢以告東海王堅及堅
兄清河王法法帥壯士入雲龍門堅帥麾下繼
進宿衛壯士皆舍仗歸堅生猶醉寐堅兵殺之

壯烈堅大作為賴逢王猛

堅既弑生法讓堅適嗣且賢宜立堅乃去帝號稱大
秦天王堅雄壯有胆略時譽歸之北海王猛個儻有
大志隱居華陰尚書李婆棲薦猛於堅謂其謀略不
也出堅始至一見如舊友自謂劉元德之逢諸葛孔

明也從堅為後秦王始其所以平生選其
恩尤忿之數罵長求死長縊之謚堅曰壯烈天王
王猛字景畧北海
劇人封清河侯

廿八載併強燕政治嚴明

堅在位二十八年晉帝奕隆和庚午堅遣王猛伐燕
猛長驅入鄴併過郡縣望風降附燕主暉出降遂併
燕地猛號令嚴明法簡
刑寬燕民各安其業

景略逝寵鮮卑養留蜂蠆

王猛寢疾堅訪以後事猛曰晉雖僻處江南然正朔
相承上下安和臣沒之後願勿以晉為圖鮮卑戎羌
我一讐敵宜漸除之言終而卒堅泣曰天不欲使吾
平一六合耶何奪吾景略之速也然堅寵慕容垂等
如故不用猛
言終受其禍

擬投鞭斷江流弱晉平吞

堅會羣臣謀大舉寇晉太子左衛率石越曰彼據長
江之險民為之用未可伐也堅曰以吾之眾投鞭於
江足斷其流有何險之足恃乎左
僕射權翼陽平公融等皆諫不聽

彈詞註卷六

十五

冠軍垂龍驤甚各懷異志

初燕慕容恪病勸燕主暉倚任吳王垂太傅評忌之
及垂與晉桓溫戰於枋頭大破之垂還鄴威名益振
評謀誅之恪子楷告垂垂曰骨肉相殘首亂於國不
忍為也寧避之於外耳遂奔秦先堅聞恪卒陰有圖
燕之志憚垂不敢發及聞垂至大喜郊迎執手曰天
生賢傑必相與共成大功王猛勸堅除之堅不從以
垂為冠軍將軍石祗稱帝以姚弋仲子襄為驃騎將
軍石氏滅襄歸晉後叛降於燕桓溫擊敗之襄遂據
襄陵將進圖關中遂據黃落秦將軍鄧羌擊斬之弟
襄帥其眾降至是堅大舉朝臣皆不欲堅行獨垂甚
勸之陽平公融諫曰垂甚我之仇讐何可聽也王景
略一時英傑陛下比之諸葛武侯獨不記其臨沒之
言乎堅不聽以垂督步騎為前鋒以襄為龍驤將軍
督益梁州諸軍初符健入關夢天神遣使者朱衣赤
冠命拜堅為龍驤將軍使翼曰授之卒建帝業至是
及堅與晉戰敗中流矢單騎走諸軍盡沒惟垂所將
三萬人獨全堅赴之垂子寶言於垂曰秦王兵敗委

身於我時不可失也。垂曰：秦王以國士選我，此恩何可忘也！吾當懷集關東，以復先業耳。後，垂、萇俱各叛秦。

八山逢桓謝鶴唳風聲

註見四卷
風鶴句下

慕容冲攻長安出遼五將

被姚萇活殺勒懊悔平生

西燕主慕容冲起兵平陽，進逼長安。堅自督戰，飛矢滿體，流血淋漓。冲縱兵暴掠關中，千里無烟。堅懼以讖書云：帝出五將，久長得遂，出奔五將山。後，秦王姚萇遣吳忠帥騎圍之。秦兵散走，執堅、萇，遣人縊堅於新平佛寺。初，堅聞垂攻鄴，北地長史慕容泓等俱起兵。乃海謂權翼曰：不用卿言，使鮮卑至此。五將山在鳳翔府岐山縣北，三十里，亦名武將山。

長樂丕走晉陽稱尊繼統

彈詞註卷六

十六

堅子長樂公丕鎮鄴，垂攻之。丕將西赴長安，入至晉陽，聞長安不守，乃發喪，遂於晉陽稱帝。長樂縣名，今真定府冀州晉陽今太原府。

慕容永殺將來死在刃兵

西燕王慕容永遣使詣丕，求假道東歸。丕不許，與戰於襄陵。秦兵大敗，丕南奔東垣。謀襲洛陽，晉將馮該自陝邀擊殺之。襄陵縣名，屬平陽府。東垣故城在真定府城南八里。

眾臣宰立苻登正名討賊

苻登秦之疎屬，封南安王。聞丕死，眾臣立之，稱帝於南安。率兵伐後秦，立世祖。神主於軍中，凡所欲為，必啟而後行。將士皆刻鋒鏑為死休字，所向無前。南安今鞏昌府。

十餘年空攘攘敗與姚興

晉寧康十九年，後秦主姚興擊登殺之。自慕容垂等起兵至此，八十一年而前秦亡。

後秦王起姚萇苻堅司馬

擊之以甚為司馬 赤亭今鞏昌府隴西縣羌本西
方牧羊人三苗姜姓之別
裔華陰縣名屬西安府

自淝河兵敗後背主稱秦

萇自堅淝水兵敗後陰蓄異志會堅遣同符叡擊燕
叡敗見殺萇遣長史詣堅謝罪堅怒殺之萇懼奔魏
北馬牧羌豪推萇為盟主萇自稱秦王進屯北
地是為後秦晉孝武寧康十一年取長安稱帝

既得志弑其君及其主后

萇先弑前秦主苻堅及苻登立萇擊之於安定敗之
秦后毛氏美而勇善騎射兵入其營猶彎弓跨馬帥
壯士力戰殺七百餘人眾寡不敵為萇所執萇將納
之毛氏罵且哭曰姚萇汝已殺天子又欲辱皇后皇
天后土寧汝
容乎萇殺之

天官兵鬼使者竟斃陰刑

萇夢苻堅將天官使者鬼兵數百刺中萇
陰寤而驚悸遂患陰腫醫刺之出血而死

彈詞註卷六

七

子姚興滅苻登尊賢禮士

萇卒子興秘不發喪自稱大將軍帥眾伐秦執秦主
登殺之興命羣臣皆舉賢才隨時任用接臣下以禮
開楊桓之賢而徵
之利鹿孤不敢留

戡內難殲強敵識勢知兵

戡內難註見下奪嫡句下
強敵註見前滅苻登句下

還燕俘畀晉城頗饒才略

南燕王超母妻在秦超遣使稱藩獻樂妓於興興遣
其母妻還之晉劉裕求和於秦因求南鄉諸郡羣臣
不可興曰天下之善一也裕拔起細微討桓元復晉
室內釐庶政外修封疆吾何惜數郡不以成其美乎
遂以十二郡畀晉 南鄉故城
在南陽府南陽縣西一百里

任賢能恢疆土共服驍英

秦隴西公姚頌德興事之如家人禮國家大政皆盜
而後行頌德軍令嚴整撫納李夏分置守涼王品

隆兄弟相賊政歸民飢與遺碩德直趨姑臧隆遣呂
超逆戰碩德大破之隆降於是西涼公暉河西王利
鹿孤張掖公蒙遜各遣使奉表入貢於秦碩德爵
表隆爲涼州刺史遣使授南涼北涼西涼官爵

只末年愛少子幾乎奪嫡

興末年寵愛廣平公弼僕射梁喜言於興曰廣平公
潛有奪嫡之志陛下寵之太過道路皆言陛下將有
廢立之計興曰豈有此耶喜曰苟無之則陛下愛弼
適所以禍之願去其左右損其威權非特安弼又所
以安宗社也興不得已乃免弼尚書令還第興如華
陰使太子泓監國弼黨侍郎尹冲謀因泓出迎殺之
奉興幸弼第作亂未果興還宮疾篤尹
冲帥甲攻端門興力疾臨前殿賜弼死

到頭來傳位與太子姚泓

興卒太
子泓立

晉劉裕入潼關降爲繫虜

晉安帝義熙十三年太尉劉裕伐秦所向皆克遂入
潼關遣將軍王鎮惡自河入渭泓使姚丕守渭橋拒

彈詞註卷六

六

之鎮惡大破丕軍泓遂出降 潼關在西安府華陰
縣東四十里渭水名源出臨洮府渭源縣烏鼠山西
北谷東流經盩厔興平咸陽渭南
等縣直至華陰縣界入於黃河

可憐哉亡國主死在金陵

裕執泓送金陵
斬之後秦亡

西秦主乞伏苻秦勇將

乞伏國仁本隴西鮮卑居勇
士川爲前秦主堅前將軍

見秦衰背其主隴右稱尊

國仁從堅寇晉叔父步頽聞秦師敗率隴西叛之堅
使國仁討之國仁遂與步頽合衆叛據隴右晉孝武
寧康十年自稱單于是爲西
秦 隴右即隴西今臨洮府

傳位與弟乾歸十年而止

被姚興擒父子委質稱臣

國仁平乾歸立乾歸擊殺前秦王苻登子崇德
隴西之地自稱西秦王乞十餘年後秦王興遣姚碩德
伐之乾歸戰敗奔金城乞降於南涼王興遣姚碩德
乾歸謀歸或以白利鹿孤乾歸懼為所殺乃送太子
熾磐於西平南奔抱罕遂降於秦熾磐旋亦逃歸秦
使乾歸還鎮苑川後乾歸如秦興以乾歸寔強難制
留為主客尚書其子熾磐行西秦校尉監其部眾
後自秦逃歸復稱王苑川城名故城在蘭縣西

乾歸死子熾磐報讐而立

晉義熙八年乾歸為乞伏公府所殺公府走保大夏
子熾磐遣其弟智達討公府獲之輾之譚郊熾磐乃
自立為河南王 大夏漢縣
名故址在陝西河州衛境內

號文宣當宋氏有子傳承

宋文帝元嘉五年熾磐卒子暮末嗣位
瑁按熾磐謚文昭王此稱文宣疑誤

子暮末遇饑荒時乖運蹇

秦地震野草皆自反又正月不
雨至於九月城中大飢人相食

彈詞註卷六

赫連家敗寡弱剋滅無存

宋元嘉八年夏主赫連定擊秦遣其叔父韋伐攻南
安秦城內大飢暮末窮蹇遂出降定殺之奪其族西
秦遂滅

大夏主赫連氏名稱勃勃

叛其君居統萬反面攻秦

勃勃劉衛辰之第三子南單于苗裔其祖從母姓姓
劉勃勃改姓赫連氏言其微赫與天連初魏王拓跋
珪滅衛辰勃勃奔秦秦怒遂叛秦自謂夏后氏之苗
朔方會秦與魏和勃勃怒秦遂叛秦自謂夏后氏之苗
裔稱大夏天王進攻秦三城以比諸戎斬秦將楊丕
等復侵掠嶺北諸城興使僕射齊難討之為勃勃敗
擒之後取長安遂稱帝於灊上初勃勃築城於朔方
郡北黑水之南曰朕方統一天下君臨萬邦所築新
城宜名統萬至是遂定都
馬朔方今陝西寧夏衛

取長安如破竹謀臣買德

晉劉裕伐秦克長安擒秦主泓於東還留子義真守之勃勃問王買德曰朕欲取關中卿試言其方略買德曰關中形勢之地而裕以幼子守之狼狽而歸正欲急成篡事耳不服復以中原為意此天以關中賜我不可失也勃勃乃遣兵向長安會關中大亂義真據咸陽長安採樵路絕裕義真之名義真東歸以朱齡石代鎮長安勃勃帥眾追義真至青泥晉兵大敗義真僅以身免齡石奔潼關夏兵追殺之遂定長安勃勃享將士舉觴屬買德曰卿往日之言一驗而驗可謂筭無遺策矣 中原即中國皇極經世書云中原之地方九千里是也咸陽縣名屬西安府

置鋸鑿嗜殺戮縱恣威刑

勃勃性僞虐置鋸鑿於左右羣臣忤視者鑿其目笑者抉其唇諫者截其舌蒸土築城錐入一寸即殺作人而并築之所造兵器射甲不入斬弓人射入即斬鎧匠

傳位與親子昌三年過眼

勃勃卒子太原公昌立 在位僅三年

彈詞註卷六

二十

魏太武舉兵來擄入平城

魏太武帝燾以輕騎濟河襲統萬分軍伏於深谷以少眾至城下昌堅守不戰魏乃退兵以示弱魏軍士有亡奔夏者言魏軍糧盡輜重在後步兵未至宜急擊之昌乃將步騎三萬出城為兩翼鼓譟追之魏分為左右隊奮擊之昌大敗遂奔上郢魏將軍尉眷監軍侍御史安頡進攻之昌自出搏戰魏軍爭赴之昌敗走頡追擒之送入平城賜爵會稽公後昌謀叛魏殺之

赫連定就平涼稱王建號

平原王定昌之弟也初魏西伐昌遣定與魏司空奚斤等相持於長安及失統萬定奔上郢至是昌被執定收其餘眾奔平涼改元勝光 平涼府名隸陝西

恰三年仍舊貫束手遭擒

定遣使請和於宋約合兵滅魏魏太武聞之帥兵伐夏遂如統萬襲平涼使將軍古弼等將兵趣安定定自安定北救平涼與弼遇弼擊敗之定走鶻觝原想進攻之夏眾大潰定走上郢魏遂取安定克平涼定

畏魏人之逼，竄秦民十餘萬，自山城濟河，欲擊北涼。於魏殺之，而夏亡。定在位僅三十年。鶻

後涼主三河王名光姓呂

呂光畧陽氏人，初為前秦王苻堅驍騎將軍，後自稱三河王。

父婆樓事苻堅開國勳臣

光，呂婆樓之子，為秦尚書。堅殺苻生，婆樓與王猛立堅為帝。堅以婆樓為給事黃門侍郎，掌樞密。

總強兵征西域龜茲破滅

光統秦兵七萬，征西域及流沙三百里焉耆國。王浞流率旁國皆降，進攻龜茲。龜茲王帛純求救，獐胡、獐胡王引諸國兵七十餘萬以救之。光與戰，大破之。帛純出走，光入其城，恩威甚著。遠方諸國前世所不能服者，皆來歸附。龜茲焉耆、獐胡俱西域國名。流沙，故名地，屬五服之外，西境之最遠者。其沙隨風流行，故曰流沙。

彈詞註卷六

五

振旅還聞國難縞素於君

光自龜茲還，聞秦王堅死，乃縞素出師。擊涼州，殺刺史梁熙，自稱涼州牧、酒泉公。酒泉今陝西肅州是。

恢謀略據姑臧稱王改號

晉孝武寧康二十一年，光據姑臧，稱涼天王。改元龍飛，國號涼。

載羅什至中華翻譯諸經

鳩摩羅什，天竺人，世為國相。父羅炎避位出家，度蔥嶺，龜茲國王聞其名，請為國師。以妹配之，生羅什。年七歲，日誦千偈。西域諸國服其神，後每至講說，諸經諸王皆長跪聽之。至呂光破龜茲，載入國。命華翻譯。秦西域諸經論由是州郡事佛者十室而九。蔥嶺西域

名山

建號來不多時風燈燄息

眾兒郎自讐殺庶纂稱尊

光稱涼王三年疾甚立子紹為天王自號太上皇以紹庶兄太原公纂為太尉常山公弘為司徒及光卒紹不從弘謂纂曰主上闇弱兄宜為社稷計不可狗小節也纂弘於是夜帥壯士攻廣夏門入升殿紹自殺纂乃即天王位纂忌弘功高弘遂作亂纂擊敗之弘奔南涼過廣武呂方執弘送獄纂遣人殺之廣武古地名故城在臨洮府蘭縣西二百二十里

趙弒纂立兄隆亡家喪國

被姚興除散騎俯伏紅塵

纂嗜酒宴番禾太守呂超於內殿超兄中領軍隆數勸纂飲纂醉超殺之而立兄隆為天王後秦王興遣姚碩德伐涼自金城濟河直趣姑臧隆遣超等逆戰碩德大破之遂圍姑臧隆遂降碩德表隆為涼州刺史至晉安帝元興二年興徵隆入朝除為散騎常侍而後涼亡番禾音盤和其地屬涼州衛

短局促十八年相傳四主

呂光傳紹纂隆凡四主止一十八年

彈詞註卷六

三

因饑荒支不住做了凡民

姑臧穀踊貴斗米值錢五千文人相食餓死者十餘萬口

南涼王禿髮氏烏孤割首

禿髮烏孤鮮卑人與拓跋氏同祖後徙居河西西本月氏國之地漢武帝置酒泉武威張掖燉煌金城等郡號河西五郡今陝西甘肅鎮是也

呂光朝任都統反據金城

晉孝武寧康十九年涼王呂光以烏孤為河西大都統安帝隆安元年叛光攻涼取金城據之自稱西平王是為南涼金城郡名今為陝西寧夏衛

傳乃弟利鹿孤仍傳乃弟

烏孤卒傳弟武威王利鹿孤更稱河西王鹿孤卒復傳弟儁檀武威今陝西涼州衛

至儁檀獻羊馬納款姚秦

初利鹿孤稱臣於秦至僞檀獻與馬
三千匹羊三萬頭與署為涼州刺史

輕蒙遜藐熾磐興師討叛

被西秦拿敗了鳩死其身

唾契汗乙弗等部叛僞檀欲討之孟愷諫曰今年飢
饑南逼熾磐北逼蒙遜百姓不安遠征雖克必有後
患僞檀不從謂太子虎臺曰蒙遜不能猝來熾磐兵
少易禦汝謹守樂都吾不過一月必還矣乃帥騎襲
乙弗大破之西秦王熾磐聞之帥步騎二萬襲樂都
虎臺憑城拒守熾磐四面攻之一夕城潰熾磐入樂
都徙虎臺等於抱罕僞檀兒子樊尼馳告僞檀將士
聞難皆散僞檀曰吾老矣所適不容寧見妻子而死
遂歸於熾磐歲餘熾磐使人鳩之唾契汗一部之
姓乙弗亦一部之姓契音喫汗音寒樂都今陝西西
寧衛

十九載短光陰弟兄三箇

自烏孤傳僞檀弟兄
三主共一十九年

彈詞註卷六

功不成名不就禍及兒孫

僞檀子虎臺亦
為熾磐所殺

前燕主鮮卑氏慕容番類

慕容氏昌黎棘成鮮卑人世居北夸邑於紫蒙之野
號曰東胡按姓纂鮮卑涉歸進拜單于遵循華俗
自云慕二儀之德繼
三光之容故以為氏

初祖廆為晉將鎮守幽并

慕容廆在晉武帝時入寇後拜為鮮卑都督自遼東
徙居大棘城元帝太興二年廆擊破宇文弼遣使獻
捷元帝以廆都督幽并二州封遼東郡公
幽州今順天府并州今永平府廆音仄

廆子皝僭稱號傳之子儁

廆卒子皝嗣晉以皝為鎮軍大將軍遼東公成帝
咸康二年皝僭稱燕王皝卒子儁襲位 皝音黃

永和中即帝位海內橫行

晉穆帝永和八年儒詳言獲傳國璽
遂自薊遷都於鄴稱帝國號大燕

慕容恪匹霍光扶持社稷

儻卒子暉立是為幽帝暉以叔慕容恪為太宰專錄朝政恪虛心待士量才授任力扶社稷崔浩謂魏主曰慕容恪之輔幼主慕容暉之霍光也

吳王垂破桓温深曉行兵

慕容垂號第五子儻僭號封垂為吳王晉桓温伐燕燕主暉大懼謀奔和龍垂曰臣請擊之若其不捷走未晚也暉乃使垂拒温又使樂嵩請救於秦温與垂戰於枋頭大敗又聞秦兵將至乃許還燕將急欲追之垂曰温初退必嚴設警備簡精銳為後拒不克矣之彼幸吾未至晝夜疾趨俟其氣衰擊之無不克矣乃帥八千騎躡其後温果兼道而進數日垂曰可矣乃急追之及於襄邑燕范陽王德先帥勁騎伏於東澗下與垂夾擊温大破之和龍即燕所築龍城因有二龍見於龍山遂命所居新宮曰和龍後契丹又改曰黃龍府枋頭地名在大名府濬縣西南八十五里洪水之北襄邑今歸德府睢州東澗水名在河南

府盧氏縣北

彈詞註卷六

二雷

幽帝暉陷河南纔方得志

暉初遣傅顏率騎二萬觀兵河南臨淮而還後燕李洪敗晉兵於懸瓠拔許昌汝南諸郡慕容恪使悅希軍盟津孫興軍成畢悅希引兵畧河南諸城悉為所陷旋取洛陽懸瓠城名即今汝寧府盟津即孟津

被苻堅興士馬擄入西秦

初燕請救於秦許路虎牢以西之地及晉兵退暉不與秦主堅遣王猛伐燕長驅圍鄴堅又自帥精騎十萬赴之燕散騎侍郎徐蔚開鄴北門納秦兵暉奔龍城堅追及於高陽執之遷於長安封為新興侯龍城初燕築城於龍山之西命曰龍城在永平府西四十里高陽縣名屬保定府

垂降秦封冠軍叛秦而起

初慕容垂破桓温兵還鄴燕太后可足渾氏與太傅評忌之謀誅垂垂奔降秦秦王堅拜垂冠軍將軍封賓都侯後堅肥水之敗返至灑池垂言於堅曰北鄴之民聞王師不利輒相扇動臣請奉詔書鎮慰之堅

許之垂至安陽秦付不能垂於新西垂滑與燕故臣
謀復燕祚會丁零翟斌叛秦攻洛陽堅驛書使垂遣
之垂遂停河內募兵夜襲秦飛龍兵盡殺之復遣
人告於慕容農等悉起兵叛秦 澠池縣名屬河南
府安陽縣屬彰德府河內今懷慶府

據中山稱後燕祖業重興

晉孝武寧康九年垂自稱燕王都中山至
十一年稱帝是為後燕 中山今真定府

舉事時年已老謀猷無敵

垂起兵舉事年已七十
有文武全才謀猷無敵

參合陂報讐恥襲魏平城

垂遣太子寶攻魏魏道武擊敗之寶夜遁魏急追之
至參合陂寶大敗僅以身免寶軍數萬人皆放仗斂
手就縛擒其王公文武數千垂恥之復引兵密發踰
青嶺經天門鑿山通道出魏不意直指雲中襲魏平
城克之盡取其部落初垂至寶前敗所見積骨如山
設祭弔之號哭震地垂慚念至是發病而還遂死於

彈詞註卷六

三五

上谷 參合陂故城在朔州定襄縣北天門關名在
太原府城西四十里雲中今山西大同府上谷今保
州安

錯疑心賢后言驪姬誤視

傳位與不才兒怎保家門

垂先段后生子令寶後段后生子朗鑿愛諸姬子麟
農隆柔熙寶立為太子初有美稱已而荒怠中外夫
望垂后後段氏言於垂曰寶姿質雍容柔而不斷承
平則為仁明之主處難則非濟世之雄今託以大業
未見克昌之美遼西高陽陛下賢子宜擇一人付以
大業趙王麟姦詐負氣嘗有輕寶之心宜早圖之寶
善事垂左右多譽之者故垂以為賢諸段氏曰汝欲
使我為晉獻公乎段氏泣而退告其妹范陽王妃曰
太子不才天下所知吾為社稷言之主上乃以告為
驪姬太子必喪社稷范陽王有非常器度若燕祚未
盡其在王乎寶麟聞而
憾之垂卒傳位於寶

寶即位弒慈親龍城被困

寶嗣位遣趙王麟逼段氏自裁段氏怒曰汝兄弟通殺其母安能保其社稷乎吾豈愛死但念國亡不久耳遂自殺龍城被囚註見下

走黎陽遭禍患父子同坑

魏道武伐燕尅信都寶自擊之營於滹沱水北魏軍衝之寶大敗奔還中山魏遣圍之燕清河王奔引兵赴難至薊城適趙王麟作亂謀弑寶不克出奔西山寶恐麟奪會軍據龍城乃夜與太子策及遼西王農高陽王隆等出赴會軍會亦作亂勒兵攻寶寶帥數百騎馳至龍城長上段速骨作亂與燕尚書蘭汗通謀攻陷龍城寶及長樂王威等南走蘭汗復襲擊速骨殺之奉太子策承制遣使迎寶及於薊城威曰汗之忠詐未可知不知南就范陽王合眾以取冀州若其不捷徐歸龍城未晚也寶從之行至黎陽遣中黃門令趙思告范陽王德奉迎寶既遣思而聞德已稱制又懼而北走行至鉅鹿會汗復遣迎之寶以汗垂之季舅子威又汗之婿謂必無二乃還寶去龍城四十里汗遣弟加難帥五百騎迎入外邸而弑之並殺太子策汗自稱昌黎王黎陽今大名府濬縣西山有二處一在順天府西三十里一在河間府青縣西南五里鉅鹿今順德府昌黎縣名屬永平府

彈詞註卷六

五

慕容盛討元兇攝行統制

初寶還龍城子盛固諫不聽乃與將軍張真下道避匿及聞寶死盛欲赴哀真止之盛曰汗性愚淺道念婚姻不忍殺我旬月之間足以展吾志遂往見汗汗妻乙氏及盛妃皆涕泣請盛汗哀之乃舍盛於宮中以爲侍中親視如舊汗子穆謀殺盛未果李早張真皆盛所素厚也穆引爲腹心早真潛與盛結謀會汗穆皆醉盛因踰垣入東宮與早等殺穆諸軍聞盛得出皆呼躍爭先攻汗斬之盛乃以長樂王攝行統制

不三年逢殺手不得全身

威嗣位未三年段太后兄之子璣作亂威帥左右出戰被傷而卒

叔父熙遭養子高雲篡弑

燕河間公熙得幸於太后丁氏太后乃廢威太子定立威叔父熙討璣殺之即天王位熙將軍馮跋得罪於熙亡命山澤欲舉大事潛入龍城匿於孫護家會熙后符氏卒熙出送葬跋與將軍張興等推熙養子

夕陽公雲為主雲高句麗之支屬也帥衆入宮授甲
開門拒守熙還攻北門不克雲遂即天王位執熙殺
之復姓高氏 高
句麗東夸國名

被將軍馮跋氏占了家門

高雲自以無功德而居位內懷危懼常蓄養壯士以
為腹心爪牙寵臣離班桃仁專典禁衛賞賜巨萬而
班仁志願無厭猶有怨憾至是殺雲將軍馮跋
升門觀變帳下共斬班仁跋遂即位而後燕亡

馮跋氏自稱王北燕初主

馮跋信都胡人為後燕將軍篡
位稱燕天王是為北燕太祖

弟馮弘殺兄子自立為君

燕太祖寢疾命太子翼攝國事宋夫人欲立其子受
居謂翼曰上疾將瘳奈何遽欲代父乎翼性仁弱遂
還東宮中給事胡福慮宋夫人遂成其謀乃言於中
山公弘弘率壯士披甲入禁中宿衛皆不戰而散夫
人命閉東閣弘家僮踰閣而入太祖驚殂弘
遂殺翼及太祖諸子百餘人僭即天王位

彈詞註卷六

十一

無主宰兩徘徊稱藩宋魏

弘遣高顯稱藩於魏太武以季女充魏掖庭魏徵其
太子王仁入朝弘不送質魏伐之收其禾稼徙民而
還弘為魏所攻乃遣使稱藩奉貢於
宋宋封為燕王江南謂之黃龍國

不得已奔高麗死在遼城

宋元嘉十三年魏太武遣長樂王丕等伐弘弘日危
感乃遣陽伊請迎於高麗魏攻白狼城克之高麗遣
將隨陽伊迎弘弘遂出奔至遼東高麗王璉遣使勞
之曰龍城王馮君爰適野次士馬勞乎弘慚怒稱制
讓之高麗乃奪其侍人取其太子王仁為質弘
怨高麗遣使求迎於宋宋主迎之高麗遂殺弘

西燕主慕容冲平陽自立

冲幽帝暉之兄初慕容泓起兵華陰冲起兵平陽秦
竇衝擊冲敗之冲奔泓泓謀臣高蓋殺泓而立冲晉
孝武寧康十年冲稱帝於阿房是
為西燕 阿房即秦始皇所築

入長安遭殺害兄子忠承

冲攻秦秦王堅走五將山冲遂入長安冲左將軍韓延殺冲而立冲將段隨為燕王慕容恒慕容永襲殺段隨而立宜都王子顛帥鮮卑男女四十餘萬口去長安而東恒弟韜殺顛恒又立冲之子瑤永又殺之立弘之子忠至聞喜稱帝宜都今荊州府夔陵州宜都縣聞喜縣名屬平陽府

慕容永弒其君終還一報

慕容永弒其君段隨又弒瑤又弒忠凡三弒其君而自立為河東王進據長子稱帝終為慕容垂所誅河東今平陽府蒲州長子縣名屬潞安府

慕容垂叩智囊掃蕩塵氛

慕容垂謀伐永諸將以永國未有釁司徒范陽王德固勸伐之垂曰司徒議與吾同且吾雖老叩囊底智足以克之不敢留逆賊以累子孫乃伐水圍長子拔之執永斬之西燕遂亡

南燕主慕容德垂之愛弟

慕容德號之少子垂之弟最為垂所親愛封范陽王范陽今涿州

彈詞註卷六

三六

復殘基據廣固講武屯兵

後燕王寶以德鎮鄴魏攻寶寶東走魏復攻鄴德南走滑臺自稱燕王初秦主登之弟廣依德德處之乞活堡至是自稱秦王德乃留魯王和守滑臺自帥眾討廣斬之和長史李辨殺和以滑臺降魏德欲還攻滑臺韓範曰向也魏為客吾為主今也吾為客魏為主不如先據一方自立基本乃圖進取潘聰曰廣固城地形阻峻若得其地閉關養銳伺隙而動此乃陛下之關中河內也德乃引師而南兖州北鄙諸郡縣皆降進攻廣固晉幽州刺史薛閭渾奔魏德追斬之遂克廣固因定都稱帝範上疏曰晉室衰亂拓地定功正在今日德因講武城西凡步卒三十七萬人騎五萬三千車萬七千乘廣固故城在青州府城西

調臣下比少康猶輕光武

德問羣臣朕可方古何主鞠仲曰陛下中興聖主少康光武之儔也德顧左右賜仲帛千匹仲以多辭德曰卿知調朕朕不知調卿耶

乏儲嗣迎其姪子母歸秦

慕容超嗣叔位五樓用事

初德仕秦為張掖太守從秦王堅寇淮南留金刀與其母公孫氏別德與燕王垂舉兵張掖秦收德兄納及諸子殺之公孫氏以老獲免納妻段氏方娠未決獄揉呼延平德之故吏也竊以逃羌人段氏生超十歲而公孫氏卒以金刀授超平又以超母子奔涼及呂隆降秦徙長安而平卒段氏為超妻其女超恐為秦所錄乃伴狂行乞德遣人往視之超不敢告其母妻潛變姓名逃歸德聞超至大喜遣騎迎之超以金刀獻德德悲慟不自勝封超為北海王德無嗣遂立超為太子及德卒超嗣位超母妻猶在秦乃遣使稱藩獻太樂伎一百二十人於秦秦王興乃遣其母妻還之超引所親公孫五樓為心腹五樓遂擅權用事鎮甘山是其地也

彘良言不守險大峴過兵

晉劉裕伐南燕舟師自淮入泗超召羣臣會議公孫五樓曰吳兵輕果利在速戰宜據大峴使不得入然後徐簡精騎絕其糧道勅眾緣山東下腹背擊之上策也超不從裕過大峴燕兵不出裕喜曰兵過大

彈詞註卷六

三九

峴士有必死之志餘糧棲畝人無匱乏之憂虜已入吾掌中矣 大峴山名在青州府臨朐縣東南一百里

晉合圍秦不救突馳無計

劉裕使參軍胡藩潛師出燕兵後戰於臨朐大破之超遁走廣固裕築長圍守之超求救於秦秦王興使使謂裕曰今遣鐵騎十萬屯洛陽晉師不還當長驅而進裕曰我克燕之後當取關洛今能自送便可速來劉穆之曰廣固未拔而羌寇奄至何以待之裕曰彼能赴救必畏我知寧容先遣信命是張大之辭耳秦救果不至裕悉眾攻廣固南燕尚書悅壽開門納晉師超突圍出走裕追獲之 臨朐縣名屬山東青州

州府

往亡日被劉裕捆縛生擒

初劉裕悉眾攻廣固或曰今日往亡不利行師裕曰我往彼亡何為不利卒擒送建康斬之南燕亡 往亡立春後七日驚蟄後十四日清明後二十一日立夏後八日芒種後十六日小暑後二十四日立秋後

九日白露後十八日寒露後二十七日立冬後十日大雪後二十日小寒後三十日其日謂之往亡日

四慕容根本是一家宗派

前燕慕容皝廆之子後燕慕容垂皝之子西燕慕容冲垂之弟南燕慕容德亦垂之弟一派相承

或相承或相併各自為君

後燕繼前燕而起南燕承後燕而興西燕為後燕所併

西涼主呂氏亡燉煌起事

李暠隴西成紀人北涼段業叛後涼以暠為燉煌太守晉昌太守唐瑤叛北涼移檄六郡推暠為沙州刺史涼公是為西涼成紀今鞏昌府秦州燉煌故城在陝西肅州衛城西五百二十六里晉昌今太原府忻州沙州即肅州衛

武昭王名李暠文藝馳名

暠後謚武昭王暠少好學尤善文義有令名嘗著述志賦槐柳賦大酒容賦

彈詞註卷六

三

傳一代嗣子歆不曾展志

被沮渠兵戰死剗滅無存

暠卒子歆立宋高祖永初元年北涼王沮渠蒙遜伐涼歆戰於蓼泉兵敗被殺西涼遂亡

北涼主盧水胡沮渠蒙遜

事呂光臣段業反覆為人

沮渠蒙遜盧水胡人先為後涼呂光之臣後叛涼攻涼臨松郡拔之屯據金山蒙遜從兄男成說光建康太守段業曰呂氏政衰男成等唱大義欲屈府君撫臨副州業許之男成推業為涼州牧建康公蒙遜帥眾歸之業以為鎮西將軍是為北涼晉安帝隆安五年蒙遜殺段業而自立亦號北涼盧水胡即北地胡也金山一統志云在陝西永昌衛城北二里又在故昌松縣南

謀反叛殺親兄借刀他手

初蒙遜欲叛段業謂從兄男成曰段公非撥亂之主欲除之以奉兄何如男成曰人親信我圖之不祥蒙

遜乃求爲西安太守因與男成約同祭蘭門山而密遣許咸告業曰男成欲謀叛若求祭蘭門山臣言驗矣至期果然業遂收男成殺之蒙遜泣告衆曰吾兒忠於段公枉見屠害諸君能爲報仇乎男成素得衆心衆皆憤怒遂擊業殺之

滅西涼佯敗北慣會行兵

蒙遜欲伐西涼主李歆先引兵攻浩亶既至潛師還屯川巖散乘虛襲張掖蒙遜聞之曰入吾計矣但恐聞吾迴軍必不敢前乃露布西境云已克浩亶將進攻黃峪歆聞之喜進入都犢澗蒙遜引兵擊之戰於懷城歆大敗或勸歆還保酒泉歆曰吾違母言以取敗不殺此胡何面目復見吾母復勒兵戰於蓼泉爲蒙遜所殺遂滅西涼浩亶山名在臨洮府金縣南二十里一名閻門河源出焉寒山峽中流經縣東入黃河漢義渠安國將騎備羌築城於此因名浩亶城川巖地名黃峪惟臨洮府蘭縣西南二十五里有黃峪山未知是否

自稱號張掖公仍投晉魏

彈詞卷六

三十一

蒙遜先稱涼州牧張掖公尋稱河西王後遣使詣晉益州刺史朱齡石上表於晉云伏聞車騎將軍裕欲清中原願爲右翼驅除戎虜又遣宗舒入貢於魏遣宗舒入侍魏拜爲涼王

子牧健降魏國俯首稱臣

蒙遜卒子牧健立魏太武伐之牧健遣其弟董來出戰望風奔潰魏兵至姑臧圍之姑臧潰牧健降魏仍拜爲征西大將軍河西王

如此樣十六家強胡羯

似浮雲黑暗了半壁乾坤

長中短短中長六十四主

十六國共六十四主

二十八全天命壽考終身

蜀李雄李壽李勢前趙劉淵劉聰後趙石勒石虎前涼張軌張茂張駿張重華前秦苻健後秦姚萇姚弋

西秦乞伏國仁乞伏熾磐夏赫連勃勃後涼呂光南
涼秃髮烏孤秃髮利鹿孤前燕慕容容龐慕容銳慕容
僞後燕慕容垂北燕馮跋南燕慕容德西涼李
暹北涼沮渠蒙遜共二十八主俱得以壽考終

遭地網陷天羅三十有六

被弑者凡
三十六主

血污中多一半不得全身

鬧攘攘占春風喧簷燕雀

亂紛紛消散去過耳蟲蚊

忽地起溷江龍興風作浪

霎時間沒命鬼滅影潛形

半天下廣孳生番人種類

徧關河薰染做血氣羶腥

彈詞註卷六

三

書生懊憾春秋後

管仲齊桓不再生

事既不同時又異

也由天地也由人

六代瓜分世界五胡雲擾中原縱橫三百有餘年幾度

交鋒索戰馬過生靈齏粉血流河洛腥羶耳聞猶自

不堪言有眼休教看見
西江月

東風刮散桃花雨
明日天晴別是春